

嘉靖應山縣志

4260.77

275

却=0122

天一閣藏明代方志選刊

應山縣志

一九六四年三月上海古籍
書店據寧波天一閣藏明嘉
靖刻本景印原書版框高二
〇·八公分寬一四·八公分

應山縣志序

賜進士出身奉政大夫前刑部郎中一山陳之良撰

東橋顧老先生纂脩全楚通志集議定式擬成一省全典

先是欵目未降漢東顏子志隨博蒐載籍詢知故老遠稽

獨斷表年首事奴僕諸家自為凡例辯而不華盡而不紆

東橋稱之曰良史也至是邑尹環溪王子以志邑請時欵

目雖未至則知已有成命矣乃參酌時制采摭舊簡黜其

異焉釐其訛焉補其逸焉顏子曰凡以立考案焉耳一山

氏曰史之紀也主事主信俾有徵焉匪徒文之為工故

春秋紀十二公別嫌疑明是非定猶豫據事直書不加藻

應山縣志卷上 序一 晉千一

繪即典謨所記如禹貢之悉田賦與周禮之備官職要皆

直書時事迄今為聖人之經以俟百世而無惑夫誰曰不

文是編也以事統年揭綱比類始之以沿革所由國也次

疆域其幅員也形勝其固也風俗其化也山川在封內也

物產土宜也人賢鍾其秀也戶口所天也稅額徭役惟正

之供也藝文鳴其盛也孔子曰文獻不足故也是編也足

以徵矣夫言以足志文以足言也惟其信焉耳漢東顧少

之乎君子曰其文直其事核良史也編成環溪索言書諸

首竊惟環溪之尹吾邑八年于茲矣其為政也以嚴毅為

惠不為煦煦之仁夫水弱而民詭之火燥烈故鮮死焉環



溪不怒而威民望而畏之干紀者或寡矣肆案無滯牘庭
無滯獄不其有攸賴矣乎故曰嚴毅所以為子惠也居之
以嚴毅裁之以明達行之以果斷環溪之能也環溪之政
多矣而其大者於志有徵不腆之言何足軒輊姑書之以
見邑所由志云

應山縣志卷上

建置沿革



縣在禹貢荊州之域漢為南陽郡隨縣地梁置應州又分置永陽縣平陽縣及平靖郡西魏改平陽縣為京池縣於平靖郡又置平靖縣隨初廢應州改為應山縣以山為名郡亦廢大業初又置禮山縣又改京池縣為吉陽縣而省平靖縣入焉唐初復置應州并析置禮山縣尋並廢以縣與吉陽俱屬安州宋開寶中廢吉陽縣嘉定中改屬隨州元仍之至正辛卯土寇聶興宗僭據本朝洪武元年歸附設縣二年復為興宗黨許成所據尋

應山縣志卷上

乙

三百四十年

討平之十年廢隨州以縣省入隨縣十三年復升隨縣為隨州而縣復置屬德安府隨州隸湖廣布政使司武昌道嘉靖十九年改隸荆西道

邑名

永陽

梁名 吉陽 隋名

分野

軫星散為荊州其地為楚翼軫之分野春秋元起張十二度費直楚地翼軫之分野劉向翼軫荊州前漢天志楚地翼軫之分野前漢地理志起張十三度至軫六度蔡邕自張十七度至軫十一度辰在巳楚分荊州陳卓云自張十

八度至軫十一度楚分皇甫自軫十二度至氏四度已

為鶉尾楚之分後漢志自軫十一度至軫十一度於辰在

已楚之分野屬荊州晉天志翼軫荊州同初張十五度中

翼十二度終軫九度僧一行云

形勝

楚之窮邑宋張素云古荊州北境元陶壽云介乎襄郢申安之間

漢東志云南抵安陸北隣信陽三關險隘壽山雄據州志

疆域

東西廣百有三十里南北袤有十里

東至孝感縣界七十西至本州界六十南至安陸縣

應山縣志卷上

二

三百一十

界四十北至信陽州界七十東到黃陂縣二百五西

到本州百南到安陸縣九十北到信陽州百八東

南到孝感縣百四十東北到羅山縣三百五西南到

應城縣百八西北到棗陽縣三百三到

南京千一百里到京師三千三百里

風俗

其民好文多學者其俗善良不爭純靜易治宋張好學

而文純靜有恥同應山之俗多信厚而知廉恥王莘其

民秀而文其俗朴而儉元魯璠士尚文學俗喜巫鬼巨

室多悍險健訟州志

山川

應臺山 在治東南里許原名應山以其方平如臺

橫山 在治南二里許橫亘治前 石龍山 在治北二十里山石歲魄且其勢蜿

三鍾山 在治西五里有宋連率墓 石井山 在治西三十里

合髻山 在治西三十里如合髻然 堯山 在治北四十里以形似名

凍山 在治東南四十里一名蜂兒山宋元豐間太守滕 杏仁山 在治北三十里

洞庭山 在治西四十里中有一穴莫測淺深 吉山 在治南五十里有南

其南遺址尚存 壽山 在治南五十里其南屬安陸縣境山下居

民嘗有壽百歲餘者 蔽山 在治南五十里其陽屬安陸縣有連峰

寶墓 鐵城山 在治西五十里

高貴山 在治東北六十里山頂有石如龜又名大龜 覆手山 在治東六十里一峯牛心山 在治西北七十五里

松子山 在治東北八十里 禮山 在治東八十里梁於此置應州齊置禮山

關隋又置禮山縣 上浩山 在治西北九十里

大城山 在治東百里山之陽有古城 香爐山

四望山 在治西北百里高 花山 在治北一百里與信陽接壤

塔兒岡 在治北五里 望城岡 在治東五里

仙人洞 在治北三十里山有杜仙坡 在治南十五里

應山縣志卷上

三五

五百字

五

觀音坡

在治南四十里

汶水河

在治西北二里經東南入方家河

方家河

在治東三里

黃沙河

在治東五十里

白泉河

在治東三十里自山懸而下

已上四水南會為滾過孝感入于漢

中界河

在治東三十里

大洪河

在治北三十里

漢東河

在治西四十里

已上三水西南會為滲至峯于入于瀆

天井澗

在治東二十里深丈有奇廣八尺泉冬夏不竭上有龍祠歲旱禱雨

馬坪港

在治西六十里

龍船陂

在治西十里

七里塘

在治南七里

陽塘

在治東四十里俱洪武二十七年築

應山縣志卷上

四

百八十四字

官塘

在治西五十里

瓦陂

在治東五十里

螺陂

在治西南六十里

阮陂

在治東南五十里

倉頭渡

在治西南七十里

戶口

洪武二十四年

戶九百六

口六千四百六十五

宣德七年

戶九百六

口三千三百三十三

成化八年

戶二千九

百口一萬八千九百九十四

正德七年

戶四千五百口二萬六千三

嘉靖十一年

戶五千五百口二萬六千三

成丁七千九百九十九

民戶八百口七千三百

正軍戶七百四口一萬三千四

貼軍戶二百五口四千九

雜役戶一百六口三千一百

土產

二 應山縣志卷上

五

二百零三

穀

稻 麥 蕎 粟 豆 麻 黍 稷

蔬

芥 薑 葱 韭 蒜 茄 瓜 瓠 芋 莧

蒿 苣 蒼 蓮 波 稜 蘆 菹 芡 菱

藥

何首烏 三稜 瓜 萎 防 己 南 星 半 夏

麥 門 冬 牽 牛 車 前 子 石 菖 蒲 蒼 朮

香 附 荆 芥 牛 膝 薯 蕷 青 箱 子 地 黃

白 芷 紫 蘇 天 門 冬 山 茱 萸 蒔 蘿 濁 活

香薷 旋覆花 地榆 苦參 茵香 罌粟
白芨 馬兜苓 覆盆子 葶藶 益母草
地骨皮 桔梗 木瓜 芍藥 柴胡 連翹
川烏 草烏 茯苓 芍藥 狼毒 紫草
茜草

竹

紫竹 斑竹 猶竹 筍竹 淡竹

木

松 栢 柘 椿 槐 檀 柳 梧 桐 楮
楸 椒 梓 櫟 楊 桑 楸

應山縣志卷上

六

一百三十五

花

牡丹 海棠 芍藥 鹿葱 瑞香 蘭 蜀葵
紫荊 玉簪 薔薇 凌霄 繡毬 石竹

果

棗 梨 杏 桃 李 柿 栗 石榴 菱
藕

鱗

鯉 鱖 鯽 鮒 鱖 鮓 鮓 鮓

介

鼈 龜 蚌 螺 花蛇

羽

鶴 鵲 雉 鷺 錦 鷄 鷓 鴒 鳧 鳧 鷗
百舌 鵲 鴿 戴勝

毛

虎 豹 鹿 麂 麋 兔 狐 獺 貉 玉

面狸

畜

牛 羊 羸 騾 馬 驢 猪 犬 鶩 鴨
鷄 猫

貨

三 應山縣志卷上

七

綿布 葛布 白臘 漆 蜜 麻

田賦

洪武二十四年

官民田地塘五百九十九頃八十六畝四分五釐

夏稅麥六百六十八石八斗四合四勺四抄

夏稅系一百二十五斤四兩三錢四分六厘六毫七

系四忽

秋糧米四千七百七十石三斗一升五合七勺三抄

牛租米四十二石五斗

農桑絲五斤一十兩一錢

永樂元年

官民田地塘六百六十一頃五十三畝八分五厘

夏稅麥六百七十一石六斗四升一合一勺四抄

夏稅系一百三十四斤三兩二錢二分二釐二毫一

絲一忽五微

秋糧米四千八百五十石三斗六升七合二勺四抄

五撮

農桑絲五斤一十一兩九錢八分

永樂十年

官民田地塘六百八十二頃七十一畝九分五釐一

應山縣志卷上

八

二百八十一字

夏稅麥七百一十石五斗二升八合五勺

夏稅絲一百四十斤二兩八錢六分二釐四毫七絲

秋糧米五千四百七十二石二斗九升七合七勺九抄

農桑絲五斤一十一兩九錢八分

永樂二十年

官民田地塘六百九十三頃一畝四分五釐

夏稅麥七百一十四石七斗八升一合四勺

夏稅絲一百四十三斤四兩七錢五分九釐七毫七忽

秋糧米五千五百六石四斗七升八合九勺四抄

農桑絲五斤一十一兩九錢八分

宣德七年

官民田地塘七百三十七頃一十畝四分五釐

夏稅麥七百三十五石六斗二升七合七勺

夏稅絲一百四十斤七兩一錢六分七釐七毫二絲

二忽

秋糧米五千二十二石二斗九升九合四抄

農桑絲五斤一十一兩九錢八分

正統七年

官民田地塘七百七十六頃七十七畝九分伍釐

夏稅麥七百六十二石九斗二升七勺

應山縣志卷上

九

三百六十九字

夏稅絲一百四十斤八兩七錢八分九釐七毫五絲

七忽

秋糧米五千五十六石六斗九升七合二勺四抄

農桑絲五斤一十一兩九錢八分

天順六年

官民田地塘八百四十二頃七十六畝五分六釐

夏稅麥八百二十五石六斗一升三合二勺八抄四撮

夏稅絲一百六十二斤二兩七錢九分四釐四毫七

絲四忽

秋糧米五千四百二十六石九斗四升八合六勺九抄

農桑絲五斤一十一兩九錢八分

成化八年

官民田地塘八百五十一頃四十畝八分六釐

夏稅麥八百三十三石三斗八升一合四勺八抄四撮

夏稅絲一百八十二斤八兩三錢三分八釐四毫八

絲五忽

秋糧米五千四百六十一石四斗二升八合四勺一

抄九撮

農桑絲五斤一十一兩九分二釐

成化十八年

應山縣志卷上

十

二百五十四

官民田地塘八百六十頃七十畝三分二釐

夏稅麥八百四十一石九斗三升五合六勺四抄

夏稅絲一百六十四斤三兩八錢五分四釐一毫六

絲四忽

秋糧米五千四百九十七石五斗一升六合四勺九

抄九撮

農桑絲五斤一十一兩九分二釐

弘治五年

官民田地塘八百六十頃七十畝三分二釐

夏稅麥八百四十石九斗三升五合六勺四抄

夏稅絲一百六十四斤三兩八錢五分四釐一毫六絲四忽

秋糧米五千四百九十七石五斗一升六合四勺九抄九撮

農桑絲五斤一十一兩九分二釐

弘治十五年

官民田地塘八百六十頃七十畝三分二釐

夏稅麥八百四十一石九斗三升五合六勺四抄

夏稅絲一百六十四斤三兩八錢五分四釐一毫六

絲四忽

應山縣志卷上

十一

三百六十字

秋糧米五千四百九十七石五斗一升六合四勺九

抄九撮

農桑絲五斤一十一兩九分二釐

正德七年

官民田地塘八百四十六頃八十七畝六分一釐

夏稅麥八百一十四石二斗六合一勺四抄八撮

夏稅絲一百六十四斤一兩三分八釐七毫七絲三忽

秋糧米五千四百六十六石五斗五合四抄九撮

農桑絲五斤一十一兩九分二釐

嘉靖元年

官民田地塘八百四十六頃八十七畝六分一釐
夏稅麥八百一十四石二斗六合一勺四抄八撮
夏稅絲一百六十四斤一两三分八釐七毫七絲三忽
秋糧米五千四百六十六石五斗五合四抄九撮
農桑絲五斤一十一兩九分二釐

嘉靖十一年

官民田地塘八百四十六頃八十七畝六分一釐
夏稅麥八百一十四石二斗六合一勺四抄八撮
夏稅絲一百六十四斤一两三分八釐七毫七絲三忽
秋糧米五千四百六十六石五斗

應山縣志卷上

十二

三百五十四

農桑絲五斤一十一兩九分二釐

本縣黃冊自弘治以後書手私減各戶成丁而飛
隱其秋糧其總數雖存而撒皆不足糧匿六十餘
石成丁扣減者三千三百有奇每歲輸納供應之
候得扣者避閒買寄者弗納而仍舊守分之家不
免幫總而補負賦役失實苦樂不均歷年三紀經
造四界未有能廉之者是歲大造知縣王尚用未
及改正行取去任知縣王朝璣至始拘集里書力
究之丁令其首補而糧為之改正撒不異總原額
如故民初不知或亦不免於疑卒之里納無賒貸

之苦丁夫得差遣之平數年以來積弊一洗蓋有
陰受其惠而不知者因著之于此使後之為政者
覽焉

武昌衛屯田子粒八百石

課程

洪武二十四年歲辦各色課鈔

酒醋課鈔二十五貫六百文

房屋賃課鈔二百六十五貫八百文

油榨課鈔七貫二百文

白臘課鈔六貫一百三十文

應山縣志卷上

十三

百十字

商稅課鈔七百九十一貫二百文

荒銅課鈔一百貫八文

契本工墨課鈔一貫七百二十文

土貢

歲造色段深青二疋丹碧紅一疋墨綠三疋

歲進野味活麋二十六隻活鹿二十一隻

歲辦皮張翎毛白硝麋鹿等皮一百八十二張鴉翎

一萬二千六百根

徭役

舊編

門子二十三 皂隸一十七 弓兵六十 快手
百 斗級八 禁子六 膳夫二 鋪司兵九十四

嘉靖十八年奉巡撫顧都御史定議本省賦役
文冊其大綱曰稅糧曰均徭曰丁糧曰里甲曰
課程曰驛傳曰雜役稅糧有兌運起運撥運存
留之目均徭有銀差力差之目丁糧有坐派額
辦之目里甲有支應接遞歲用之目課程有戶
口食鹽額課商稅之目驛傳有馬疋船隻鋪陳
支應及南京馬船水夫之目雜役有民壯街夫
軍解之目查審詳備人情稱便經又可行印發

應山縣志卷上

十四

三言單字

遵照茲具錄于下方

稅糧秋糧一條邊分派每正米一石派本色正耗平

粟外折色銀貳錢二釐六毫八忽七微六
塵七纖四取以平米一石價銀五錢計之該每
正米一石共銀七錢一釐八
毫七系五忽九微一塵九渺

夏稅小麥八百一十四石四斗零八合六抄四撮

起運

京庫絹一百三十一疋八尺六寸四分二釐五毫

七系三忽

南京庫農桑絹四疋一丈六尺六寸五分

撥運

本府倉小麥七百一十四石四斗零八合六抄四撮每石加耗麥五升簾麥一升舡脚麥六升內除簾麥每石折銀四錢另解脚麥給領雇覓外正耗共麥七百五十石一斗二升八合四勺六抄七撮二圭

存留

本縣倉小麥五十石每石加耗麥三升簾麥一升脚麥一升除簾脚照前支解外正耗共麥五十一石五斗

本縣學倉小麥五十石每石加耗麥三升簾麥一

應山縣志卷上

十五

二百七十一字

升脚麥一升除簾脚照前支解外正耗共麥五十一石五斗

秋糧正米五千四百九十九石一升六合九勺八撮內除摘撥莊田并改增子粒除豁民糧共米三十二石五斗一升一合八勺五抄九撮實徵正米五千四百六十六石五斗五合四抄九撮內除沒官重租米二百二十石尚餘正米五千二百四十六石五斗零五合四抄九撮

起運

允軍正米八百六十四石四斗每石加耗米六斗四升尖米一斗蕭米一升另與里納二升舡脚米七升共米八斗四升內除折色雜席米三斗五升本色耗脚共米四百二十三石五斗五升六合

三四耗并蕭米三百二石五斗四升折銀一百五十一兩二錢七分

京庫米二百二十石連扛解共折銀五十七兩二錢全派沒官重租不在一條邊內

南京倉米一千三百五十石

應山縣志卷上

十六

二百八十六字

本色正米一千一百四石七斗七升每石加耗米四斗舡驢脚米一斗五升正耗脚共米一千七百一十二石三斗九升三合五勺

折色正米二百四十五石二斗三升共折銀一百四十七兩一錢三分八釐外加扛解銀一兩九錢九分二釐六毫八系九忽九微三塵

四纖

撥運

壽府廣有倉祿米一千石折銀七百六十三兩

運糧官軍行月二糧二百七十三石一斗三升每

石加舡脚米七升共米一十九石一斗一升
九合一勺

本府倉正米一千四百六石五斗七升五合四抄
九撮每石加耗米五升席米一升舡脚米六
升內除席米每石折銀五錢另解脚米給領
雀覓外正耗共米一千四百七十六石九斗
三合八勺一撮四圭五粒

存留

本縣倉正米八十三石二斗每石加耗米三升席
米一升脚米一升除席脚照前支解外正耗

應山縣志卷上

十七

二百五十五字

共米八十五石六斗九升六合

本縣學倉正米二百六十九石二斗每石加耗米
三升席米一升脚米一升除席脚照前支解
外正耗共米二百七十七石二斗七升六合

歲支

本縣并合屬官吏孤老俸月糧共支米一百二十
三石二斗

本縣儒學師生吏典俸廩并香燭共支米三百一
十九石二斗

均徭

銀力二差共銀一千五十六兩五錢遇閏月共加銀二十一兩二錢八釐

銀差共銀五百六十三兩七錢

壽府紀善所柴薪二名共銀二十四兩遇閏月加銀齋郎十名庫子三名共銀七十八兩祭禮銀二兩五錢樂舞生四名屠戶一名共銀一十五兩斗級一名銀四兩

本府推官柴薪二名司獄一名共銀三十六兩遇閏月加銀

府學齋夫一名銀一十二兩遇閏月加銀膳夫二名銀二十兩

應山縣志卷上

十八

二百六

應祀神祠二祭共銀四兩八錢

本縣知縣柴薪四名典史一名共銀六十兩遇閏月加銀馬夫各十兩共銀八十兩

文廟二祭共銀四十兩

山川壇二祭共銀一十四兩

社稷壇二祭共銀十兩

邑厲壇三祭共銀一十八兩

啓聖祠二祭共銀八兩

名宦鄉賢二祠二祭共銀七兩二錢

境內神祠二祭共銀四兩

鄉飲二次共銀八兩

縣學齋夫六名共銀七十二兩遇閏月加銀膳夫

二名共銀二十兩

歲貢盤纏每年帶編銀一十五兩

本縣油燭銀七兩

孤老一十四名口每名口買布銀二錢花銀一錢

逐年查照見名編給

力差共銀四百九十二兩八錢

本府皂隸五名共銀一十五兩禁子二名庫子一

二應山縣志卷上

十九

二百九十九字

名共銀一十八兩通判經歷照磨門子各一

名共銀九兩預備倉老一名銀四兩大盈倉

斗級二名共銀六兩

本縣知縣門子二名典史一名直堂庫子一名皂

隸一十六名典史二名共銀五十二兩八錢

禁子四名預備倉老一名共銀二十兩各倉

斗級四名共銀一十二兩

察院分司府館門子三名共銀三兩六錢

文廟明倫堂啓聖名宦鄉賢祠射圃亭門子一名

銀一兩二錢

山川社稷邑厲壇門子一名銀一兩二錢

縣學門子三名祭器庫子一名斗級二名共銀二十四兩

平里市巡司弓兵三十名共銀九十兩

土潭河渡夫二名共銀四兩各舖舖兵內縣前接官亭南十里駱家桑林北十里易家全家關口石橋土潭共十一舖共四十四名路俱衝繁每名銀三兩廟山龍泉石井漢東馬坪井子東接官亭七舖共二十名路俱偏靜每各銀二兩

應山縣志卷上 二十 二百八十九字

舊編各舖兵皆三名嘉靖十三年知縣王朝球以縣前接官亭南十里駱家桑林通本府北十里易家全家關口通信陽及石橋土潭南通府北通州路俱衝繁兵數仍舊其廟山龍泉石井漢東井子馬坪通州東接官亭通孝感路俱偏靜各減其一申允定額至是填答入冊

上解戶一名銀三十兩

下解戶二名共銀三十兩

右本縣解戶除兩京藥味并南京戶口鈔銀

解府類解農桑絹四疋一丈六尺六寸解府
便差搭解京庫絹一百三十一疋選食該年
糧里一名其額辦襖褲鞋九十一付活鹿
一十二隻白硝麂皮三十二張用上下解戶
各一名坐派物料銀二百二十二兩除墳房
等料約用下解戶一名

丁糧

人丁七千九百九十九丁

秋糧米五千四百六十六石五斗

額辦

應山縣志卷上

廿一

二百七十九字

南京藥味一斤十二兩六錢九分四釐價銀二錢

六分九釐六毫二微五纖

北京藥味一十六斤二兩三錢四分六釐連扛解

共銀二兩七錢四分三釐九毫二忽一微五纖

段疋織金段一疋光素段五疋正價扛解共銀二

十三兩遇閏月不加

白硝麂皮三十二張價銀一十九兩二錢

襖褲鞋九十一付價銀一百三十六兩五錢

活鹿一十二隻折銀二十四兩

施州德安衛所軍器料銀共三十九兩八錢九分

九釐八絲三忽

曆日紙劄煙麵人役工食銀六兩七錢一分五釐

坐派

物料銀二百八十三兩六錢二分內除沒官重租田糧免派外每丁石派銀二分一釐四毫一絲二忽六微俱一除邊派納

科舉銀一十三兩八錢二分六釐六毫五絲四

忽五微

里甲

支應本縣無驛本省上司按臨并奉使經過公

幹官員人役應該給付廩給口糧宿食及柴

炭蠟燭心紅紙劄等項俱查遵近議凡例及

應山縣志卷上

廿二

三百七字

武昌府賦役備照冊應付

接遞

人夫

里甲馬三十五疋

歲用

一年之用

祭祀

壽府金井三月清明七月十五日十月初一日三祭共銀

三兩九錢

歲貢花紅酒席帶徵銀六兩

春牛物料并迎春彩杖酒席門神挑符共銀二

兩三錢

新官到任祭祀每員銀一兩二錢

到任陞遷去任公宴

知縣銀四兩典史二兩

各項造冊紙劄筆墨銀一十二兩

歲季考試生員試卷茶食激賞花紅紙張筆墨

朔望并上司按臨讀書勸賞生員紙張筆墨

各衙門卓圍坐褥硃盒筆架

迎送上司傘轎雨具

應山縣志卷上

廿三

百九十字

右四項銀兩多寡難以逆計俱候隨用查支

註銷

三年之用

應試生員花紅酒席盤費

新舉人花紅酒席

推舉人盤費酒席

右三項銀兩俱候每年會計酌定其數隨年

帶徵

五年之用

鋪陳

上等一副銀一十二兩每年派徵銀二兩四錢
中等一副共銀一十兩每年派徵銀二兩
下等一副共銀九兩每年派徵銀一兩八錢

雜用

朝

覲盤費脚力造冊紙劄扛解

正官銀二十五兩首領官二十兩無官應朝
吏給銀二十兩隨應朝給銀一十兩官脚力
銀一十五兩吏一十兩造冊紙劄扛解銀四
兩

應山縣志卷上

廿四

二百七字

新官衙解什物

知縣銀一十二兩典史八兩教官各五兩

部運南京倉糧官盤費

首領等官銀各一十兩

部運兗軍糧官盤費銀一兩

本縣日用心紅紙劄筆墨并六房吏公用紙劄
本縣日用并辦送上司按臨刑具

右貳項銀兩俱隨用登記逐月查支註銷

課程

戶口食鹽

實在男婦七千六百三十八丁口共納鈔四萬五千八百二十八貫

無閏月每丁口起運存留鈔連扛解共徵銀一分五釐三毫四絲二微二塵二纖九渺共銀一百一十六兩四錢八釐六毫五絲八忽七微九塵三纖一渺

有閏月每丁口起運存留鈔連扛解共徵銀一分六釐五毫一絲二忽四塵一纖四渺共銀一百二十六兩一錢五釐三毫二絲四忽三塵一纖三渺

應山縣志卷上

廿五

二百六十八字

起運南京庫

無閏月鈔二萬二千九百一十四貫

本色鈔一萬一千四百五十七貫連扛解共徵銀一十三兩六錢一分九釐一忽六微五塵四渺

折色鈔一萬一千四百五十七貫折銅錢二萬二千九百一十四文連扛解共徵銀三十四兩四分三釐六毫五絲七忽一微四塵二纖七渺

有閏月鈔二萬四千八百二十三貫五百文

本色鈔一萬二千四百一十一貫七百五十文
連扛解共徵銀一十四兩七錢五分四釐九
絲五忽四微六塵

折色鈔一萬二千四百一十一貫七百五十文
折銅錢二萬四千八百二十三文五分連扛
解共徵銀三十六兩八錢八分六釐二系八
忽五微七塵一纖三渺

存留本府庫

無閏月鈔二萬二千九百一十四貫折銀六十
八兩七錢四分六釐

應山縣志卷上

廿六

二百六十五字

有閏月鈔二萬四千八百二十三貫五百文折
銀七十四兩四錢七分七釐五毫

商稅

鈔二千五百三十三貫三百六十三文折銀八
兩八錢六分六釐七毫七絲九微

驛傳

原額秋糧官民米五千四百六十六石五斗五合
四抄九撮除官田重租米二千八百三十三
石六斗八升一勺四抄九撮優免米二百九
石六升一合四勺五抄

實在編差米二千四百二十三石七斗六升三
合四勺五抄共徵銀一百六十兩九錢三分
七釐八毫九系三忽八塵除編水馬夫一十
三名該銀一百零八兩八錢六分三釐三毫
三系三忽三微尚餘銀五十二兩七分四釐
五毫五系九忽七微八塵徵完解府轉發應
城縣協濟

濟川衛

馬船一隻水夫未克七名每年該徵船料
工食銀四兩五錢五分

應山縣志卷上

十七

二百六十五

外襄陽府呂堰驛

中馬一疋未克夫一名每年該徵馬價鋪陳
什物草料工食銀一十五兩三錢四分

承天府豐樂河驛

中馬三疋糧僉夫三名每年該徵馬價鋪
陳什物草料工食銀一十五兩三錢四分

武昌府遊運所

紅船一分三釐糧僉夫二名每年該徵船
料鋪陳什物修船過關工食銀七兩八錢二
分六釐六毫六系六忽六微

雜後

民壯該縣十里每里約僉五名共計五十名每名

二臺一系四忽四塵仍儘縣丁糧編給不許賣漏作弊

軍解該縣格眼文冊查府收庫遇有舊軍

街夫一年一審照依今冊格式編日輪流守夜街

長鋪頭亦一年一換後過街長鋪頭之家給

舖執照量與優免第二年街夫街長免五日

城池

縣舊無城知縣王尚用始築之徙汶水少南而湮其故道聚資鳩工采石陶甃未及成而去知縣王朝璽乃成

應山縣志卷上 廿八 四百九

之高二丈厚二丈五尺長六百九十九丈架口一千六

十八座四門建樓內周馬道外環濠池前會汶水匯為

深淵西引二橋以通行旅東建橋間以司蓄洩衛以郭

郭分以關門巍然一方巨鎮矣詳見顏木城縣碑

知縣王朝璽修城既備以為日久不無損壞修補之

費無所於出除內外馬道外因有餘剩空地若干行

令地方報拘近民審各自願造屋賃住通年認納租

銀送官貯庫聽候修補支用仍恐官遷吏代縣無稽

考認租之民非惟脫閃其課而官地或為之侵占除

城內舊額官地頗多另行備將本縣與學通年取魚

池塘起止界至并張公祠賃屋種園充祭租額及近年各民認領四門外基地丈尺數目人後姓名造冊一樣六本存縣與學及三總甲各收備照今止錄其魚池界至并各祠及城外基地丈尺租課數目于后城南門外應池壹口自東閘起至西城門外汶溪橋止俱縣堂取魚公用

東閘下小河壹條橋上以南至陳祿鋪前止約長貳拾丈橋下以東至應臺山脚約長壹拾丈俱與史取魚用

西門外新井上官濠壹條並塆田叁坵北抵彭昂

應山縣志卷上

十九

四伯守

塘堤俱儒學取魚用

張公祠房租園租每年共銀叁兩柒錢門廊左邊

半內叁間租銀壹兩捌錢西邊鋪房壹間東邊鋪房半間共租銀玖錢後層屋肆間租銀壹兩東邊園地壹方比照房租多寡分種菜香撿屋等項亦照房租多寡支銷○房園租銀內除肆錢買香油奉每日蚤夕香燈叁錢逐年撿屋蓋牆等費餘銀叁兩春秋買辦祭物

南城門外東西兩邊鋪基地各伍間俱相向各潤玖尺深貳丈每年租銀各貳錢伍分共銀壹兩貳錢伍分

南城外向南基地玖間每年租銀共貳兩陸分第壹間濶壹丈深叁丈伍尺租銀叁錢第貳間濶壹丈深叁丈壹尺租銀叁錢第叁間濶壹丈深貳丈柒

尺租銀貳錢柒分第肆間潤壹丈深貳丈伍尺租銀貳錢貳分第陸間潤壹丈深壹丈柒尺租銀貳錢貳分第柒間潤壹丈深壹丈柒尺租銀貳錢貳分第捌間潤壹丈深壹丈肆尺租銀壹錢陸分第玖間潤壹丈深壹丈貳尺租銀壹錢肆分

東城門外基地陸間各潤壹丈深壹丈伍尺每年租銀各壹錢陸分共銀玖錢陸分

西城門外基地拾間每年共租銀壹兩陸錢西門

地伍間共潤肆丈伍尺深壹丈伍尺租銀捌錢西門南基地叁間共潤貳丈柒尺深壹丈伍尺租銀肆錢捌分又貳間各潤玖尺深壹丈伍尺各租銀壹錢陸分

北城門外基地肆間每年共租銀陸錢陸分共潤

壹丈玖尺深叁丈租銀肆錢又貳間潤貳丈深叁丈租銀貳錢陸分

醫學東西耳房各壹間每年各租銀陸錢共

壹兩貳錢

陰陽學房屋叁間

鄉賢祠左右耳房各壹間每年各租銀貳錢伍分

共銀伍錢

名宦祠門廊西空地壹間前潤捌尺後潤柒尺深

玖尺令民造屋看守灑掃

右通年鋪房租銀共玖兩肆錢叁分

武備

教場一所在治西南二里許建演武亭一座嘉靖初

傾圮歲庚寅秋知縣王尚用重脩詳見顏木碑

關隘

行者關一名平靖關實古宜阨塞魏元英自督諸軍取馬仙理即此在治北七十里知縣王朝璉有詩

後見

武勝關一名武陽關齊名禮山關實古直轄塞魏元英取馬廣等即此在治東北百二十里

白鴈關在治東北九十里居行者之東武勝之西 黃陵寨在治東二十五里

平康寨在天井澗北宋人避兵于此虜不能犯 興安寨在治北四十里舊傳楊平章立寨於此

鍋底寨在治東北四十里 烏狐寨在治東北四十里

牛心寨在治東北四十里 鐵城寨在鐵城山北

龍爬寨在治東北六十里 婆婆寨在治北八十里

應山縣志卷上

卅一

三宿八十四字

坊鄉

撫字坊在縣樓前即愛育坊舊址知縣王朝璉重建更名

迎恩坊在治北 宣化坊在治西

賓賜坊在治東 阜民坊在治西

甘棠坊在治北 永陽坊

仁義坊在十字街東以七坊皆廢 毓賢坊

澄清坊在治西知縣談一鳳重建 三桂坊

狀元坊在渡蟻橋北知縣戴成爲宋宋庠立久廢知縣王尚用重建

青雲坊二座一在儒學門東一在惠化鄉爲舉人顏恭建今廢

登科坊爲舉人戴弁建 攀龍坊知縣康偉爲舉人張寬建知縣王朝

修重

俊髦坊

在治西典史陶彥通為舉人

聯芳坊

在治西知縣李春為二宋建

雙壁坊

在治南知縣李春為二連建

得齋坊

為舉人王凱建以上四坊俱廢

進士坊

二座一在憲司西知府馬翕知縣王朝遂為傅鳳翔建一在撫字坊前知縣王朝遂為傅鳳翔建

龍門坊

在儒學東嘉靖十七年夏震其字知縣王朝遂移置東偏脩補勝簪

豸繡坊

在儒學西御史張祿知縣王尚用為傅鳳翔建

縣前街

西至南北街中東稍北至丁字街

東街

丁字街東直至廣佛寺

西街

在十字街西

南街

廣濟橋直至渡蟻橋

北街

澄清坊直上至北門外

十字街

在丁字街西

丁字街

在東街西街之中而南分一街通縣前街

應山縣志卷上

三十二

四百十字

天順初知縣黃鉞於縣前十字東街南街輪日為市

月凡六集其後易以雙日漸次煩雜行胥射利期故

弗定民赴稍後散而歸邸坐索高價甚受其害知縣

王朝璣因而罷之月估有式往貿即獲民以為便

仁義鄉

在治東領太平洞山樟拓黃沙廣水城北六村

惠化鄉

在治西領白石石井壽山三村

八里店

在治東八里

魯班店

駱家店

俱在治南二十里

半坡店

在治北二十里

杜家店

殷家店

俱在治北三十里

孟畝店

在治北四十里

方家店

在治北五十里

泉口店

在治北八十里

東灣店在治北九十五里

漿溪店在治北一百里

桑林店在治南三十里今廢

馬坪店在治西南六十里

平里市鎮在治西南七十里原設巡檢司

太平鎮在治東四十里今廢

麻穰店在治北二十五里今廢市心有古巡檢司遺址

廣水鎮在治東五十里洪武八年立為巡檢司十年裁革

橋梁

廣濟橋在治南

仁義橋在治東五里

惠化橋在治西

汶水橋在治北

十里橋在治南

杜仙橋在治南一十五里

永固橋在治東一十五里

太平鎮橋

應山縣志卷上

卅三

二百七十六

廣水橋

中界橋俱在治東三十里

石井橋在石井鋪東

高橋在治南三十里

官橋在治西三十里

漢東橋在治西三十里

全家橋

永定橋

月港橋俱在治東五十里

井子橋在治西五十五里

馬坪橋

公署

縣治在應山西北一里

正廳三間

後廳三間

耳房東西各二間

東廳一間在正廳左

鑾駕庫在正廳右

六房東西各六間

庫二間在正廳東西

儀門正廳前

戒石亭在正廳前

知縣廨在後堂北

典史廨在正廳東

吏舍十間在治西

土地祠一間在儀門內東

獄在儀門內西

雋樓在儀門南以上皆知縣李春重建見陳秉中記

申明亭在儀門樓左

旌善亭在儀門樓右

陰陽學在治東

醫學在治西正街之東

僧會司在治西

里舍舊在治東房亦久廢知縣王朝遂典史傅優改建于申明旌善二亭之南各六間

布政分司在治西

按察分司在治西

應山縣志卷上

三十四

宿公守

府館在治東即古陽館

平里市鎮巡檢司原在治西南七

十里嘉靖十九年知縣王朝遂申允移置行者闢印記仍舊

廟學

儒學在治北前元故址 本朝洪武二年主簿白欽祖創建十年縣併學亦廢十三年復設知縣魏朴重建

建十六年教諭胡玉淵領印到任成化六年知縣李春重建見劉子肅去思碑成化十二年知縣王佩修

孔子廟嘉靖九年夏甚雨圮壞知縣王尚用重建 東西廡

戟門

神厨

神庫

宰牲房

櫺星門

啓聖公祠在櫺星門前舊自

七年春知縣王朝遂奉勅鼎建前有饗廊後有齋居為屋各三間墻垣四周

明倫堂

臥碑

敬一亭

在明倫堂後嘉靖十年知縣王尚用奉勅鼎建

勅諭碑

提學僉事陳鳳梧建

復初齋

養正齋

饌堂

在明倫堂後今改教諭廳

潔豐倉

在復初齋後今廢

集賢館

在復初齋南

文會軒

在養正齋南

射圃

號房

教諭廳

在明倫堂後

訓導廳

二所一在復初齋後一在東廡後

社學

八所一在縣治東餘在二鄉俱廢

惠政

養濟院

在治北知縣王佩建

惠民藥局

在醫學內知縣陳謚建今廢

應山縣志卷上

三十五

四百三十一

義塚

二所一在縣西岡一在南岡皆知縣王尚用建

漏澤園

在治北知縣王佩作

壇壝廟

社稷壇

在治北三百九十二步

山川壇

在治西南三百九十步

邑厲壇

在治東北四百二十八步

城隍廟

在賓賜坊東三百四十二步

東嶽祠

在治東北同上

龍祠

二所一在東嶽廟後岡有泉井邑民遇旱

禱雨

一在天井澗石壁下俗傳石井中有龍見鄉民立祠禱雨

關公廟

二所一在治北百五十步元至元四年戊寅立歲久傾圮碑文剝落不可考嘉靖十五年冬知

縣王朝遜聽民修復有詩見後一在行者關南舊傳雲長嘗領兵經此故立廟知縣王朝遜後亦有詩

唐張中丞祠

在治東半里舊為僧人所占僉事陳嘉

淮瀆行祠

在治南五十里久廢碑文漫滅唯存延祐七年壬申應山民晁蕭等重建十五字

鄉賢祠 舊名四賢堂在渡蟻橋北宋元及今相繼建立
朝會昇皆有記嘉靖十九年春知縣王朝
遂又增祀宋李庭芝申允撫按更名鄉賢

名宦祠 在啓聖公祠前亦舊學巷地嘉靖十八年冬知
從恕 本朝孫士良李春王建游邦真祠堂享廊各三
間門廊一大間門廊西餘地墜小房一間令民居而守
之見顏木新
建名宦祠碑

馬都司祠 正德辛未霸州賊起渡河而南河南都指揮
山口遇害顏川鞏臣撰碑于其地知縣王尚用即其地
祠之知縣王朝遂以其死于三月七日也歲以是日祭
之

寺觀

報恩寺 在治西百步許
僧會司在內
法興寺 在治南三百五十
步今廢為山川壇

廣佛寺 在仁義鄉
東久廢
寶林寺 在石龍山去
治北二十里

龍興寺 在天
井澗
石井寺 在石井鋪西山頂
去治西三十里

合髻寺 在合
髻山
經臺寺 在吉
陽山

龍泉寺 在壽
山
文殊寺 在治東南五
十里有石塔

乾明寺 在大龜山去
治北六十里
羅漢寺 在治
東

鐵佛寺 在治西北
六十里
花山寺 在花
山

跳石寺 在治東北七十里世傳唐僧善
信所創山下有巨石上有人跡
丘墓
連處士墓 在藏山之陽歐陽
修撰墓表見後
連厚墓 在三鍾山下夫人朱氏李氏附葬王莘撰
誌知縣談一鳳王尚用相繼立石表之

吳雲墓

在治西七十里并子鋪

高皇使王侍制韓兵叅政雲先後招諭皆不屈而死雲之子

不能進遂葬于鋪之東偏嘉靖元年嚴之孫鳳翔來省

白于官為立碣石建饗廊并以官田十有五畝為祭田

鳳翔復買居民何倫之田三十餘畝以益之令倫守墓

且佃之田而歲入其租以供祭需及理葺之費乃以狀

白巡按唐御史聞于朝事下禮部行縣祭以清明

縣官主之牲醴品物取給于租不支官物歲久弊作仍

派里甲且稱號失實祭期弗經或以春秋之仲月或以

清明及七月望十月朔知縣王朝璽悉釐正之并改題

碣石營

治瑩城

壽王妃徐氏墓

在石龍山之陽奉勅

宮室

吉陽館

在治西舊廢本朝正統

應山縣志卷上

三十七

五百四十四

古蹟

廢平靖郡

在縣西魏

廢吉陽縣

在吉山南元和

陸縣地梁於此置平

應州城

在禮山下梁置

雲公城

在治東

大城

在大城山

王世則故居

在治西

渡義橋

在治南二宋少隨

書有胡僧相曰小宋他日魁天下大宋亦不失甲科後

十年僧驚問大宋曰公丰神頗異如能活十萬之命者

試思之庠曰堂下比有蟻穴為暴雨所侵吾作竹橋以

渡之得非此乎僧曰是也小宋固當首捷然公終不出

其下二宋私語曰妄也一歲豈有兩魁天聖三年同舉

進士比唱名初第一幸第三章憲太右謂第不可先兄

乃擢庠第一而賓初第十後人

職官

因于此立橋且建坊牌表之

宋

知縣事

連光裕慶厓魯大父

宋玘二宋之父

宋義年景文之孫大觀中即法興寺廡建四賢堂

李紹祖見名

元

達魯花赤

鐵木兒不花至元初任

字維至元間任

保保至正間任

黑廝至元初任

買間至正間任

《應山縣志卷上

卅八

一百六十四

縣尹

宮慶三城人正祐間任

翟偉歷山人正祐間任

張叔恭至正間任

魏從恕見名官

主簿

居敬失姓至正間任

蘇明延祐間任

封良祖至正間任

縣尉

王安仁至正初任

劉仲信延祐間任

李俊德至正間任

典史

張廷秀正祐

陳文瑞正

殷德至正

都監

但良政至正

張山至正

教諭

張濟民至元

張順中子英河南人至正

陳謨至正

本朝

知縣

魏樸真定人招集流亡增加戶稅始建學校與舉廢墜後坐事去任民多思之

應山縣志卷上

三十九

百八十四

孫士良詳名

戴成昌黎人監生能興學校科貢有人

王賁永樂十四年任

張萃壽州人進士山東僉事諱任

田順華亭人監生正統元年任

李志榮合州人監生正統七年任

黃鉞夾江人

劉敦富順人監生

李春詳名

蔣憲諸暨人監生咸化七年任

王佩南城人成化中任作興學校吏民信之

王建詳名

姜俊綿竹人成化十三年任

康偉鞏縣人舉人弘治二年任

陳謚朔州衛人舉人弘治十年任

徐英丹徒人監生弘治十五年任

黃泰安丘人舉人正德元年任

費誠復州人監生正德三年任

劉儒涿州人監生正德六年任

談一鳳文瑞無錫人舉人正德八年任

莊鉞

仲威吳縣人舉人正德十年任

宋文載

淳安人舉人嘉靖二年任

王尚用

費鄉安福人舉人柳州學正遷嘉靖七年任十有一年遷叙州府同知

王朝選

惟佩安福人舉人賢鄉從叔十有一年任

縣丞

朱敬

洪武元年任為許成所殺

白敬祖

王文玉

黃嘉

張良傑 后教華

主簿

潘宗堯

洪武元年任與朱敬同遇難周鳳有詩見後

典史

應山縣志卷上

四十

三福零亭

蒲子均

夔州人

李忠

孫勝

顧達

歸安人監察御史請任

郁忠

永樂末年任

鄒孟駟

豐城人吏員宣德八年任

趙景

武城人吏員正統七年任

陶彥通

成化七年任

許聰

扶溝人吏員成化十年任

萬斗南

余胘

嶧縣人

宋廉

吳珣

上海人弘治十二年任

張橋

莆田人吏員正德二年任

沈傑

世英高明人吏員正德十一年任

殷椿

合肥人吏員十有六年任

胡慶

眉州人吏員嘉靖二年任六年卒于官

呂璋

遂寧人吏員七年任

鄧儒

岳池人吏員八年任

傅優

高安人吏員十七年任

教諭

胡玉淵 洪武十六年領印到任

葉賢

戚讓川

鍾文亮 新塗人

章璧 勸縣人

蕭用平 泰和人

游邦真 詳名

王守約 內江人 成化十三年任

王礪 鄧州人 成化二十三年任

俞釗 莆田人 舉人 弘治九年任

周浩 大寧人 監生 正德二年任

谷璋 當塗人 監生 正德八年任

陳顯錫 太和人 舉人 十有五年任 嘉靖七年遷江津知縣

夏時亨 黔江人 歲貢 宜城訓導 遷嘉靖七年 雲南趙州學正

周隆盛 道亨平樂人 舉人 十有四年任

應山縣志卷上 四十一 三百二十七字

訓導

吳潮江 洪武三年任

許成 高安人

吳楨

程璣

劉珙 泰和人

楊振 越雋人

周鳳

彭庠 安福人

王志洪 崇寧人 成化二十年任

袁英 江西人 成化二十一年任

曹鳳 樂平人 弘治四年任

朱時俊 山陽人 弘治六年任

蕭贊 吉水人 弘治六年任

吳鼎 臨安人 弘治十四年任

張洙 新寧人 監生 弘治十五年任

嚴律 銅梁人 監生 弘治十四年任

熊威 邛州人 監生 正德七年任

舒清 靖安人 監生 正德七年任

徐衮 豐城人 歲貢 十有二年任

黃素 蒼梧人 歲貢 十有二年任

周英 南昌人 歲貢 嘉靖二年任

黃南金 鉛山人 歲貢 嘉靖六年任 十二年任

年遷新興 縣學教諭

衡正 德陽人 歲貢 嘉靖八年任 十七年陞

王府 教授 任

任思昌 綿竹人 歲貢 嘉靖十七年七月

平里市鎮巡檢

黎智 正統 中任

王友 登豐 人

郭麟

申旺 信陽 人

孫玟 涇陽人 正 德初任

崔慶 武城人 吏員 正 德十四年任

李德海 深州人 吏員 正 德十六年任

王進 翼城人 吏員 嘉靖三年任

應山縣志卷上

四十二 二伯五十字

余茂順 豐潤人 吏員 嘉靖十年任

孫閣 餘姚人 吏員 嘉靖十年任

周玉慶 雲人 吏員 嘉 靖十六年任

孟朝聘 內江人 吏員 嘉 靖十九年任

訓術

潘容

潘鑰

向端

徐文蔚

王閣

訓科

曹永盛

王鑾

僧會

禧圓

禧禪

禧常

昌政

昌壽

繼超

祖文

續榮

續譽

名宦

宋

李紹祖慶元間知縣事遷四賢堂於法興寺之西南隅
紹祖湯起巖記稱其端而文在官嚴於自律勤民無
德振滯補弊不事表暴
求取術術然儒君子也

元

魏從恕至正間為縣尹東吏以法撫民以恩虛
懷下士開心奉公見魯瑤與去思碑

本朝

孫士良永樂初任知縣居官未及三考人戶自占三千
餘口開墾荒田五十餘頃政事簡惠賦役以均

民到于
今稱之

李春惟亨桐城人舉人天順中任知縣杜絕苞苴
親賢遠奸惓惓以惠民為心見張瓚去思碑

應山縣志卷上 四十三 三百七十五字

王建成中進賢人進士成化間任知縣處心平正接物
以誠學行俱優政教兼舉卒于官還葬之日民無

大小皆攀極
號哭而送之

游邦貞豐城人舉人成化初任教諭師範尊嚴啓迪
不倦累典文衡遷國子助教見彭珙去思碑

流寓

宋

王世則桂林人徙居本縣宋太平興國八年
進士第一自是宋庠鄭獬相繼大魁

宋庠初名郊安陸人與弟杲讀書于法興寺
天聖二年進士第一見張耒四賢堂記

宋祁庠之弟與庠同
榜進士第十

歐陽修廬陵人幼居隨州嘗遊連處士家
與二連相友善見王莘連庠墓誌

科第

宋

連庶 舜賓之子宋慶曆二年進士及第見人物

連庠 庶之弟見人物

本朝

顏哲 隨縣學洪武甲子科舉長成永樂辛卯科舉人任後軍都督府經歷弓言任鹽城縣主簿

楊清 永樂辛卯科舉人任夾江教諭 楊慶 永樂甲午科舉人任曲靖軍民府通判

華鎮 永樂丁酉科舉人 王懋 永樂丁酉科舉人任淮安府訓導

應民 永樂丁酉科舉人任華陽知縣 重象 永樂庚子科舉人任桂林府同知

顏恭 永樂癸卯科舉人任沂州判官改薊州 雷鳴 府學景泰庚午科舉人任泗州判官

王 豈 城訓導 陸平陽府教授 鄧玉 國珍成化辛卯科舉人任信陽州訓導

應山縣志卷上 四十四 四十六

顏端 本正恭之孫府學成化庚子科舉人任成都縣教諭

戴弁 朝儀弘治己酉科舉人任大足知縣 張寬 宗吉弘治乙卯舉人任新都知縣改鹽亭

顏木 惟喬恭之曾孫州學正德丁卯科舉人任許州知州改調亳州

陳之輔 伯棊州學正德癸酉科舉人登嘉靖己丑科進士戶部觀政卒于官

向光 振鐸夫正德丙子科舉人 傅鳳 翺德輝正德丙子科舉人登嘉靖癸未

科進士任上蔡知縣歷 陳之良 伯善州學正德丙子科舉人登嘉靖

監察御史福津副使 吳翰 言子修嘉靖庚癸未科進士任工部主事

歲貢

王敏 任左軍都督府經歷

傅信 任開封府通判

呂昭 任同知

文盛 任瀘州衛經歷

蕭質任大使

邵或任安慶府知府

楊彬見人物

丁暹任上蔡縣知縣

鄭純任光祿寺署丞

李勉任將樂縣主簿

田斌任監察御史

張壽任知縣

張能任水滸縣知縣

章昱任新寧縣教諭

吳晃任固始縣訓導

楊敏任光祿寺典簿

周祥任大使

曾政任上蔡縣知縣

左貞任臨潼縣典史

吳琮任灑州訓導

喻俊任重慶衛經歷

陳莫見人

陳斌任江安縣主簿

張滿任各縣知縣

應山縣志卷上

四十五

二百十二

黃旒任光澤縣主簿

汪嶽任東留縣知縣

馮華

劉迪

杜金

王顯

尚志

張欽任衛輝府照磨

盧華任灑龍衛知事

潘志任江西革除王府奉祠副

泰和任吉安府照磨

蔡貴任金州吏目

姚明任徽州府檢校

彭搏任檢校

梅春任新縣丞

譚貞任鄂縣知縣

劉朝宗任大使

楊以康任永康縣訓導

戴勝任儀典

李春任主簿

朱玉 任桂林府照磨

戈忠 任大使

戈源 任普州訓導

楊智 任鹽井大使

張昂 任新津縣訓導

胡浩 任龍泉縣主簿

唐謙 任新鄉縣丞

吳銘 任武隆主簿

張昇 任建寧縣主簿

劉萃 任成都衛經歷

熊瓚

孫忠 任長洲縣主簿

劉浩 任永豐縣丞

程俊 任松州縣丞

薛仁 任容縣主簿

陳祥

孫陽

陳傑 任世英

郝文高

向龍 任茂明縣知縣

應山縣志卷上

四十六

三百五十四

馬驥 任阿彌州吏目

胡田 任推官

戴浩 任同安縣知縣

盧方 任阿彌州同知

陳綸 任大經縣主簿

向麒 任定安縣知縣

王叔方 任儀字津

彭思信 任實任名

向傑 任都結州吏目

傅昇 任陝西行都司

陳儼 任世敬傑之弟任滄州訓導

胡松 任申田之弟

向孜 任南都司斷事

程麟 任特鹿為縣知縣

程賢 任萬縣丞

陳偉 任世英儼之弟

劉沂 任溫江縣知縣

熊景春 任時熙

吳璠 任良王之子

陳允陽 任雲南廣西府經歷

劉古景 福建任貴州衛經歷改越

顏卿 連任瓊山縣知縣

孫儒 師魯任宜

顏尚 連任都府訓導

張仁 宗堯任濬

向光大 堯夫任施

劉恩 承夫

雷豫 汝和

向光裕 德夫 麒之子

張芷 汝馨 寬

魏嘉會 世亨

胡一用 試之 崧

陳之維 伯修

向光啓 迪夫 光裕之弟

向喬 子外 攷

例貢

陳仁 本善任南京光祿署

楊昱 時輝任廣西

應山縣志卷上

四十七

二百七十六

張儒 重道 昂之子 任

張葵 汝忠 寬

納粟

陳敬

余溥 任處州

裴剛

明春

周章 子宜

殷伯 巨

殷仲 聯

辟舉

王時興 見人

李珀 由楷書生員任雲

秦善 由楷書

李友信 由人材任

馮安 由人材任

吏員

楊敏任光祿寺典簿

沈容任縣丞

熊鳳任府軍左衛經歷

李應貞任景陵衛經歷

郭連任縣丞

汪銘任獲鹿縣丞

顏昶任德平縣主簿改宣平縣

顏暉任府軍倉大使

雷澄任長蘆大使

易忠任山岔巡檢

吳三省任阿城開大使

吳欽任大使

何以詮任普庵衛知事

譚應祖任邵陽縣丞

邢博任臨清縣丞

邢恢任宣平縣丞

吳稚任麗水縣主簿

汪榮任建始縣主簿

應山縣志卷上

四十八

二百九十八字

池昂任德清縣丞

甚壽任大使

羅斐任鹽井副使

徐聰任仁壽縣典史

譚昂任大使

徐悅任江油縣典史

胡志和任光祿寺監事

劉本秀任大使

黃繼軒任雙鶯鹽井大使

胡憲章任典史

張文高任廣東鹽課提舉司大使

張芹任高之子任神武左衛經歷

張理任巡檢

喻崇舉任龍開鎮巡檢

楊顯山任巫山縣典史

馮進賢任典史

承差

陳俸任雲南驛驛丞

劉淑宗善沂之弟任龍江驛驛丞

勳戚

本朝

喻伯剛任府軍前衛指揮使

傅榮任金吾前衛指揮使

張璽任太原前衛左所千戶

魏成任密雲衛千戶

張鴻任大原前衛左所千戶

黃剛任金吾左衛百戶

劉信任淮府儀衛司試百戶以上皆惠化鄉人

鄧智得任潯州衛指揮使

劉源任高郵衛指揮使

許勝任宣平衛左所千戶

李榮任彭城衛千戶子成襲職

夏斌任寬河衛正千戶

左誠任千戶

吳瑄任懷遠衛左所百戶

吳忠任泰州千戶

應山縣志卷上

四十九

四百四

吳保任金吾左衛百戶

韓受三任留守右衛百戶以上皆仁義鄉人

喻崇仁任楚府儀賓惠化鄉人

人物

宋

連舜賓字輔之舉毛詩不中遂歸養其父正不復仕家此吾貴也歲饑出穀萬斛減價以糶近縣民皆賴之盜亦感化不敢犯及卒無遠近往哭之舜賓孝友恭儉禮讓溫仁行之以躬不言而信歐陽修表其墓見后

連庶宋史本傳字君錫安州應山人舉進士調商水尉壽春令與學尊禮秀民以勸其俗開湖濬田千頃

縣大治淮南王舊壘在山間會大水州守議取其壘為城庶曰矢舞衣傳百世藏于王府非為必可用蓋以古之物傳於今尚有典刑也壘區是得有以母老乞監陳州稅嘗送客出北門見日西風塵而冠蓋憧憧不已

慨然有感即日求分司歸久之翰林學士歐陽修龍圖閣直學士祖無擇言廢文學行義宜在臺閣以知崑山縣辭不行累遷職方員外郎卒廢始與弟庠在鄉里時宋郊兄弟歐陽修皆依之及二宋貴達不可其志退居二十年守道好修非其人不交非其義不取秋毫不可污也廢既卒後宋郊之孫義年為應山令緣邑人之意作堂於法興僧舍繪二宋及廢庠之像祀之

連庠字元禮與兄庠齊名廢清修孤潔當官號連底清庠既清而肅號連底凍又目為大連小連見墓志

連南夫宋高宗時守濠州古有東西二城濠水二城間合為一累官廣東轉運使金人歸河南地南夫賀表云

虞舜之十二州昔皆吾有商於之六百里當念爾欺秦檜惡之見中都志

連萬夫宋史本傳安州人或曰南夫弟也補將仕郎連

夫勇敢有謀欲留為用萬夫怒厲聲罵賊遂為所害贈

其家一人

李庭芝字祥甫其先汴人

隨嘉熙未得鄉舉不行以策干孟珙權連始縣淳祐初

本朝

王時興元至正間單舸赴都陽之戰高皇大悅拜吏部尚書調西安知府為刑部尚書見聖政錄

楊彬任工部侍郎永樂初督修

陳謨景泰初任梧州通判攘除寇盜撫

孝節

元

高可燾文宗二年七月旌高可燾孝行

本朝

東圭寶林村家兒嘉靖十年二月母黃氏病亟聞肺肉
才可療禱于神判之為糜以進母飲而甘之明日疾
瘥

產為人傭工以養嘉靖十年王氏病死牛兒自賣與隣
民為奴得棺安葬鄉人莫不稱之買主因更其名曰伯
孝

姚世徵 六圖民嘉靖十四
年十月父翰病垂

絕世微禱于神割股肉為粥食
之翰病稍甦延至次月乃卒

戴氏 王其妻十有八而娶且無子復貧苦誓不更適七
十有六而卒提學副使薛綱為之聞于朝不報

陳氏 華嶺妻有娠劉六七入境挈其二子避之遇諸塗
乃剗剔其

乃剗剔其 席氏 劉本
根妻

周氏 吳金妻劉六七入境賊並欲汙之
皆不從縛之几上剖其腹而死

義民

應山縣志卷上 五十一 四十九

熊威 張泰

裴榮 俱出穀千石入官賑濟有司上其事
勞以羊酒旌表門閭仍免徭役三年

方外

元

洪益 號損庵姓徐氏幼不茹葷年十五禮石龍山寶林
寺僧善為師既受其戒卓然以微證自期遍諸方

叅宗匠遇白雲忍器之曰汝必際盛緣向後于老僧頭
上有萬丈光明汲引后進隨種種視病宜自勉焉延祐丙
辰制加圓照普門光顯大禪師賜三品銀章欄衣元統
甲戌以疾辭退嘗有句云莫將世事累青眼留取間雲

伴白頭尋道歸于石龍至元庚辰住
嵩山一日無疾跣跌而逝又號無極

本朝

無念 名勝學孟昭村人陳必貴子九歲禮無極為師洪
武中 楚王府召住九峯寺二十七年 太祖聞

其名召見京師賜以雜彩衲衣并御製詩文及金鉢
盂等物遣中貴送歸二十九年又遣中貴齎松實賜之
永樂三年十一月二十九日卒年八十一見御製詩序及管時敏記

歸附

阮原赫係交趾諒山府脫縣土知縣宣德三年黎利叛
時原赫與男世寧不從卒衆來歸送本縣安插
給與口糧田宅許其子孫自種自食土民十戶

祥異

本朝

永樂十有一年正月朔日有食之

宣德八年夏大旱

正統二年夏六月大雨至于秋七月饑

應山縣志卷上 五十二 百五十三

九年夏旱大饑

景泰元年春大饑民流于河南

天順四年秋大水

五年夏大水

成化四年夏五月庚申雨雹大旱饑秋七月有星孛于

台斗

五年秋大旱

六年夏大旱民流于荆襄

七年春不雨有星孛于天田

八年春有星孛于軒轅

十年秋大有年

十四年秋大饑

十六年大旱

十七年大饑

弘治元年夏五月甲子朔日有食之大旱

二年春大饑道饑相望冬十月大白犯進賢

三年夏旱

四年大旱

五年夏四月大水五月六月不雨

六年冬十月震電大雪至于明年春正月夏四月大水

應山縣志卷上

五十三

二百零五

五月旱

七年春三月己卯朔日有食之夏秋不雨

十六年夏大水

十有八年秋大旱

正德元年秋七月有星孛入于北斗大旱

二年春正月乙亥朔日有食之不雨至于三月雹殺禾

殺不饑港民張必顯妻崔氏忽生鬚長五寸既而暴

死冬十月野花盛開

三年夏大旱饑

四年饑

六年春三月霸州賊流入山口河南馬都司追戰死之
七年秋劉六七入縣殺戮甚眾曹都司戰死

九年秋八月辛卯朔日有食之既

十年冬十二月癸丑朔日有食之

十一年秋八月庚午星隕有聲如雷

十二年夏六月乙巳朔日有食之

十三年夏五月己亥朔日有食之

十四年夏五月大水秋大旱

十五年春三月癸丑朔日有食之

嘉靖三年春正月丙寅地震

應山縣志卷上

五十四

二百五十四

六年夏四月甲申大雨雪五月丁丑朔日有食之六月

旱

七年夏五月辛未朔日有食之

八年秋蝗飛蔽天陸塞溪澗

九年夏甚雨孔子廟隳

十年夏六月甲子劉思祿妻樂氏產男赤髮肉角三目

手口如執鳥

十一年夏旱

十二年春三月蝗知縣王朝璣令捕之夏六月蝗入境

既而震電風雨蝗皆出境

十六年秋七月不雨至于明年春三月民訛言大軍至
挈室遠竄連月不止夏五月六月大雨



嘉靖應山縣志

地 260.77
275
部 三 12

應山縣志卷中

藝文上詩

元

壽山

壽山高聳侵隨碧湏水南流接漢青宋玉陽臺猶暮雨

子虛夢澤半春耕

本朝

洪武二十七年冬十月

太祖高皇帝賜僧無念雜綵衲衣并金鉢盂等物御制表諭

詩并序曰

應山縣志卷中

乙

二百七十八

佛生西乾為淨梵國王子既長悲憫衆生罪重巍山
愆深曠海於是有驚於累世因緣遂入雲山棲岨屋
樹六載道成歸演妙法天下咸聽其說也成非非成
生死死生其釋迦之道靈通上下妙貫三界溥被寰
中此其所以尊稱大覺金仙為此也邇來靈通疾奏
秘知有僧無念者方念羣僧中是僧神僧者也陛下
可召會之於是即遣內臣帆舟星馳數日抵武昌東
土橋召起又數日達京師即日面見朕目是僧雖壽
有年其頂相巍然色身俱備者嗚呼自童子忘欲至
於壽高自受業而成人辭本師之座雲水寰中尋師



問道謁高明而不已方乃內觀噫身外無身戒外無
戒在處有佛又何指方尋佛本性即佛佛外更尋他
佛又何佛之有哉今無念定若巍山戒昭日月於斯
之時獨出世僧他日脫去其名長壽如月在天世猶
諸水所在有水無水不月豈不干江有水干江月萬
里無雲萬里天嗚呼父同天地名垂不朽此僧無念
者也詩曰

從師童子問清玄世事茫然學坐禪幻出漸知心是佛
老來悟得性通天朱門不謁藏金錫茅屋無干飲碧泉
召至九重談妙法問伊落鬼幾幾年

應山縣志卷中

二

二

三百六十三

二十有九年

太祖高皇帝賜僧無念松花松實并御製詩序

朕於廢務隙中將世人心意較之是非析之兩端思
之再三謀之不已其人之精意變態多端倏此忽彼
是非混淆紛然難析朕閱人既多歷事且久尚不能
治不善而安善良於仁壽之鄉此果不思古而有此
邪抑人心不古而有此邪嗚呼靜觀熟慮人之情意
始古至今倏然忽然反覆不常艱於治化古人有云
犯刑憲如飲食疾良善如讐隙信有之不誣也嘗聞
西方有大聖人不教而自化不治而不亂此大覺金

仙之道也朕於繁慮中觀踵佛之道者能如是快矣
哉出三界而不輪迴神通妙用無礙於上下逍遙乎
兩間常云出世斯出世也前者僧無念戒行精於皎
月定慧穩若巍山暫來一會去此常懷懷之不已遣
人就見特以松實供之兼以詩勞之詩曰

志空五蘊隱藤蘿深行由來積歲多山鬼鑑之常擁護
水神到處每撓呵戒如皎月天將曉定若巍山世欲歌
幾度有時思善者命齋松實詣盤陀

談空幽隱入煙蘿路合蒼苔歲月多問道無門明五教
進齋何處受三呵殘經對月從容誦補衲朝陽自在歌

應山縣志卷中

三

三百二十三

侶影山間真寂寞傳燈松下任坡陀

應

制說偈

僧無念

萬機之暇究真玄百草頭邊佛祖禪毛孔遍含塵刹土
毫端見出性中天定回坐看雲積谷行樂閒觀石湧泉
林下小僧無以報祝延

聖壽億千年

觀畢舟歸武昌

僧無念

舟行帆飽柁機玄船室堪棲老衲便兩岸樹催風力律
一江波湧蜃威鮮邯鄲誰問黃梁夢少室渠參不二禪

午夜雪山星忽見前三是苦空年

武昌歸隱

僧無念

躡雲深入萬重山回首煙村遠世寰初夜不聞三弄引
五更惟覺四時寒天香馥郁盈禪座月色精英照影間
比似市廛車馬集此心無事與相關

謁四賢堂

薛瑄文清本
省副使

平蕪青滿讀書臺為憶前賢故故來一代高名曾仰德
百年陳迹但興哀碑文剝落侵苔蘚棟宇傾頽困草萊
欲奠椒漿無處所向風搔首重徘徊

又

韓陽會稽人本
省副使

應山縣志卷中

四

三百三十四

應山古名邑有堂祠四賢四賢其謂誰二宋偕二連小
宋登甲科大宋為狀元當時蟻渡處至今名尚傳伯兄
連底清學行有本原仲弟連底凍操履金石堅邑人重
思慕合祠餘百年清晨謁祠下生氣猶凜然海桑還有
變陵谷亦有遷茲當百千載享祀長綿綿

又

鄭序閩人本
省參議

應山古侯國四賢產名鄉雖云川嶽秀實際文運昌二
宋冠科第二連官省郎後先樹功業千載流馨香自宋
迄昭代有祠山之陽歲久或頽圯風雨成淒涼先哲固
宜祀後人焉可忘郡守淵之彥一顧心徬徨倡屬工力

就鼎新材孔良門墻煥丹碧吾道增輝光顧我省民俗
獲登君子堂觀德嘆靡及作詩匪成章仰瞻山蒼蒼俯
視水泱泱眷被四賢澤與之傳無疆

又

張瓚 孝感人副都御史

瓣香祇謁四賢堂堂下清風拂珮纒兩宋聲華齊北斗
二連名譽冠南荒百年史牒應增重千載山川倍有光
晚輩陳文慚菲薄下風搔首挹餘香

又

周鳳 長壽人本縣教諭

名賢景仰幸登臨祠宇荒涼慘客心隔葉日長黃鳥轉
空亭雨過紫苔侵二連節操凌霄漢兩宋文章冠古今

應山縣志卷中

五

三百五十五

讀罷穹碑增感慨不漸凌陋發長吟

又

李元 山陽人監察御史

冒暑仍多險應山倏爾臨軾嚴君子里橋表狀元心景
勝真堪佇程忙不廢吟清風拜祠下英爽正森森

四賢堂和韓憲副韻

張寬 邑人知縣

永陽古下郡間世生英賢文章誇二宋節義尚兩連連
兮天下士宋也榜中元卓乎四君子千載同流傳事勲
日月炳道學江湖源清風與高節彌久而彌堅邑人景
仰心悠悠知幾年青山白雲下斯堂猶巋然堂前森萬
木幽鳥鳴翮躩曳裾稱 明時文運正延綿

應山道中

薛文清

萬壑嵐光滿曉騎，駉馬行茂林交擁。蓋修竹送前津，到
面溪風冷。經心石澗清，豺狼應遠迹。狐鼠不須驚。

送杜叔宣之任應山司訓

黎淳華容人尚書

新拜除書出鳳城，一官隨到擅才名。菁莪化洽春風暖，
首着吟餘夜月清。大冶鑄金鸞鏡出，昆山琢玉手珪成。
他年奏績應超擢，進秩朝堂被寵榮。

遊寶林寺

鍾文亮縣學教諭

久聞寶林寺，今日喜能遊。山聳千峯秀，溪蟠九曲流。鳥
鳴蘿樹暗，僧定竹房幽。坐久塵機息，飄風兩袖浮。

應山縣志卷中

六

三百二十六字

又

王守約縣學教諭

一上招提景倍饒，群峯獨讓此峯高。屋頭雲氣來山雨，
庭外松聲落海濤。煥爛文章留

御墨，崔嵬樓閣擁神鰲。何時擬結淵明社，載扣禪關不憚
勞。

又

俞釗縣學教諭

梵宇翬飛高插天，岡巒面面對蒼煙。鐘聲風送出林杪，
山鳥高低調管絃。縈紆小徑通幽曲，四顧瀟然隔塵俗。
高僧邀我看奇峯，清風兩袖雲生足。徘徊徙倚琅玕樹，
詩成落筆驚風雨。舉頭雲壓碧天低，更欲攀雲上天去。

又

馬龔西院人本府知府

溪山翠結招提境暫憇有與一望高古栢參天青擁蓋
新禾沐雨綠翻濤九峯禪定會巢鶴五馬先生似跨鰲
來訪遠公遺碣在摩挲盡日不知勞

勝境僧家獨占饒寶林清絕更孤高風生萬壑鳴竿籟
雨漲千溪噴雪濤坐久謾添壺內酒醉狂欲擲海中鰲

諸君相欵西齋宿為解行裝意甚勞余來守德安則聞應山寶林寺檀一

邑臨觀之美思一遊其地以償夙願而恨無可假以行者正德癸酉壽王府卜葬妃徐氏于寺之東北二里許季夏乙巳余往奠焉冬官王公秋官韓公國承趙公國相劉公皆以有事館于寺中見余至咸喜欵飲留宿意甚勤餼寺據高阜多古木幽夔清閭輪奐宗敞誠為邑之第一禪林也有老衲曰繼全者八十有五臘矣為

應山縣志卷中

七

五伯于七字

余言曰國初師祖無念振錫于武昌九峯山太祖嘉其行召至褒賞異數且賦詩文以華其歸考諸遺碣語合又言曰嘻此寺創自唐開寶林木蒼茂比立衆多號稱勝境頃因計處糧儲伐木鬻地以為營給度牒之資相率亡去者過半幸有老柏數株存耳嗚呼天下莫開於僧而亦不免於征欵之苛詰捕之擾則夫聚歛之臣豈不為可深惡而世道之變豈不為可長嘆也哉緩步迴廊悵然興感目對間韻而賡于左用紀一時之

雪中發應山宿寶林寺觀壁上王冬官懷左相題

句悵然有感亦次四首錄呈左相

驅馳曲阪更風寒
蹇憇僧房意緒寬
却憶堂堂開國相
獨憐瑣瑣牧民官
壺觴有興臨三徑
談笑無因聚一搏
細和司空詩句罷
幾迴惆悵倚闌干

春雪紛紛撲面寒乾坤一色望中寬三關險絕連申塞

自注云縣有武勝恨這黃土三關與信陽接壤五馬踟躕擁漢官疎散我隨孤

梗泛軒昂君共大鵬搏相逢且擬清樽盡富貴浮雲未

足干

春夢難成春寺寒愁懷到曉未能寬一麾去國驚前政

千里專城愧此官仕路風中搖腳轉人生宇內陌沙搏

且沽新酒共君酌聞有家藏更拜干

雲臥衣裳一榻寒醒餘懷抱向誰寬湖湘郡已臨三載

鷓鴣班曾接九官事業頻將明鏡照生涯都付大鈞搏

多君相對情何厚樽酒移來不待干

應山縣志卷中 八

三百六十四字

又

陳天祥閬縣人隨州學正

見約尋幽喜欲騰不辭山路馬登登校書日掃風前葉

時寓縣修郡志敲句時逢月下僧老鶴巢雲來殿閣清泉鳴玉

瀉巒層淋漓醉墨人題壁後會紗籠許我曾

松谷濤聲自作寒解襟應覺鬱懷寬好山增勝須吾筆

長日成吟是此官鴻雪有緣隨處踏鵬風無力際天搏

相逢且作三生話抱璞 明時不待干

又

向孜邑人斷事

雲鶴相參話入玄沙門點破幾孤禪塵埃不惹非人世

蘿逕深開此洞天題遍蒼巖磨怪石坐來白日浣山泉

應知老衲閒無事，跌坐蒲團了歲年。

僧床佛閣隱藤蘿，白馬青衫到亦多。對老只教須鶴在，
谷空疑有鬼神訶。煙雲泌冽千年寺，身世依稀幾曲歌。
聚咲難描今日興，久陪方丈看曼陀。

又

張寬

石龍深處最幽玄，借榻招提謾講禪。一代聖謨光

射斗，四時古木秀參天。無邊月色和雲影，不盡禽音雜
澗泉。清味這般渠識得，林花芳山自年年。

祇園春暖映松蘿，老衲傳燈悟儘多。止水元來無物擾，
名山自是有神訶。半庭翠草凭闌玩，一榻清風倚枕歌。

應山縣志卷中

九

三百五十五字

為愛幽居塵不到，携將書劍傍盤陀。

又

林瑋東莞人

悟得仙機一味玄，乾坤隨處浪參禪。方知物外元無象，
始信人間別有天。深院落花通曲徑，斷崖收雨聽鳴泉。
山僧問我雲遊日，弄月吟風不記年。

穿雲細路合香蘿，野寺曇花春更多。一豎指頭元受用，
十談玄處亦須訶。靜參物外空空話，閑放山前踏踏歌。
天與箇中留勝槩，乾坤千古耀頭陀。

寶林寺喜雨

談一鳳本縣知縣

春風吹我入煙霞，坐倚東風感物華。新綠漫添三尺水，

濕紅飛過兩枝花
勞勞塵世清霄夢
隱隱煙村畫鼓搗
應俗稱稻
擊鼓為節
東望野雲堆
正墨喜民得此即生涯

遊天井澗龍興寺

鍾文亮

一徑汭流入雙崖
劈石開朱門
新梵宇碧草舊經臺
僧少廊棲虎
堦閑樹雜萊
行童驚客至
相逐出雲來

又

王守約

層層石蹬入重岡
且喜尋幽到上方
山勢倚天開
菴畫泉聲落磗
奏笙簧
洞門雲起龍歸鉢
僧院松低鶴近牀
詩景可人吟不盡
數聲啼鳥送斜陽

又

俞釗

應山縣志卷中

十

三百九十字

聯鑣臨絕頂
翹首望林東
翠靄無時歇
青雲有路通
峰巒多體勢
梵宇幾興隆
汨汨泉聲處
山僧一掬同

又

向孜

杖藜投野寺
翠壁小橋東
泉冷龍應蟄
林深鳥自通
煙霞供潦倒
樓閣倚穹隆
未了空王夢
瀟然興味同

吊朱縣丞潘主簿

周鳳本縣學訓導

雙壁沈埋歲屢更
偶從遺檢識芳名
一時死事隨灰散
千古忠誠貫日明
始信殺身仁已著
寧論滅賊志無成
殷勤欲致椒漿奠
真草滿丘原失故塋

渡義橋

牟道監察御史

橋名渡漾偶經過景仰先賢感慨多當代文章推巨擘
至今才俊讓高科斷碑何處迷蒼蘚古廟荒郊鎖碧蘿
未真椒漿空引去臨風回首重蹉跎

又

李元

渡蟻本無求狀元亦偶爾所貴君子心愛物當如此

宿應山

正德戊寅歲

夏言

貴溪人
大學士

疊疊山環邑源源水遶村民風餘古朴景物向春暄全
楚關門在三江指顧存王程適萬里此地駐征軒

應山中秋夜坐和公謹壁間韻

正德戊寅歲

毛伯溫

吉水人
尚書

應山縣志卷中

十一乙

三百三十三字

月色明於畫山城僻似村空庭便獨坐小扇却餘暄憂
國干戈動懷鄉松菊存夜深猶不寢對景復馮軒

次毛東塘韻

張祿

人巡
按御史

柳暗低迎馬溪迴曲抱村山川憐俗客花鳥媚朝暄看
鏡年光老多愁藥餌存豺狼今日事顰蹙向東軒

宿應山公館懷顏惟喬

汪必東

崇陽人
副使

緬懷顏氏子興寄應山秋器識真翹楚才名暫假州如
何搏豺虎遽爾蹶譚璠珍重湘蘭佩吾將問蹇修

入應山欲過

漢東以事不果書之館中

陳嘉言

關中人本
省僉事

先生棲隱處只在此山中未識淮南道徒瞻桂樹叢吟
詩同謝眺問字擬楊雄它日還相訪無令尊酒空

登應山城南樓并序

戴金漢陽人
太理鄉

倚劍登樓四顧中一番新構煥眉叢螺髮擁郭天然秀
雉堞聯雲特地功景藉高看風愈峻城因險設勢尤雄

一勞永逸賢經畧構杙追修與史同

余自正德丁卯涉
宦途經歷茲地不

下十數往迨嘉靖丁酉之夏仍北上創見邑有城城有
樓既登且眺始知王令尹環溪之功有可述也遂賦此

以識其
賞典云

題城東關公祠二首

王朝遜安福人本
縣知縣

廟貌香煙墜更與獻黎奕葉仰遺靈區區一念崇忠烈

應山縣志卷中

十二

三百七十四字

匪為祝釐匪為親觀祠舊

碑而云

宰夔稷契讀何書大節雲長晚石渠為學不先忠與孝

下帷底事惜居諸

祠寓業舉
生故云

題東閣開初作供事者不
甚欣然詩以曉之

汶溪橋下水應麓閣中流功用有疏塞池平無夏秋行
旅東西便居民濯漑優一方生氣固隍斬直餘麻

同王環溪明府遊雲臺觀四首

顏木邑人
知州

為道茲山勝清朝訪白雲衰林秋已杪落木鳥空聞磗
引枯藤入泉流曲磴分同遊有仙令鳥馬儻隨君

我愛向平者尋山縱所如沙迴峯子谷樹繞漢東渠
幢影雲間亂鐘聲雨外踈長生應有訣試讀道流書
登臨時極目曠濶海天賒雲冷閒生葉崑虛巧着花石
床秋坐軟碧殿午陰斜莫話浮名理隨緣逐障遮
黑頭事幽討忽忽此華顛不謂謝康樂能隨王仲宣
絳霄雙幘出蒼壁五星連地始茲遊勝人今故事傳

陪顏淮漢遊雲臺觀和經驗籤韻四絕

王朝璫

才調生平愧不高明時感激試鉛刀
剝裁庶務行吾願毀譽無端聽所遭

應山縣志卷中

十三

三百四

山有僊考不在高無僊峻削自如刀
雲臺美號聞遐邇吾羨茲丘倍有遭

群峯培塿此孤高左右公孫戢舞刀
有意乾坤留勝蹟倚闌不倦顧週遭

下散的然聚向高金函成說已刀刀
變通只在登山者試與先生論一遭

懋貞通寺

一徑通幽處雙溪抱石流螭龍真有窟
祗樹幾經秋暫喜囂塵遠難拌竟日留
山花休我笑未解范公憂

同邑博周抑齋隆盛安陸沈蓮幕藩登寺後峯聯

句

應山山外信陽山著南北風情指顧間盛隆一統堪輿跨
千古東隅底事建重關朝

過行者關俗呼恨這關詩以辨之

史傳冥阨行者坡西關平青總斯阿雲長耿烈三國志
未著提兵向此過

縱是提兵向此過前驅奚恨一陵阿曹都許下欲遷處
阨塞如斯幾十坡

庚子八月念四日宿井子鋪閩在邦濟南人本

井子何名鋪來時惜夜闌同棲有烏雀平對是峯巒草
屋村燈遠茅原野燒殘舉頭天際在誰擬坐中觀

應山縣志卷中 十四 三百十八

過漢東鋪奉懷顏先生前人

漢東樓在目何得鋪仍名雅望雄三楚直聲達兩京况
懷山斗慕歆訂菊松盟只尺違顏範相思久未平

奉寄陳一山先生前人

一從林下卧頓覺楚山高時論終須定鄉評莫謾勞
朝廷還賴汲宰相舊稱陶節廟江湖上茲情不可逃

應山公館次壁間韻前人

行役初山縣逃亡獨見村憂常忘寢食勞不憚寒暄離
亂才何補艱難道與存中宵思起坐有愧此華軒

宿圓通寺用韻

前人

山峯環抱寺澗水曲分流霧黑林爭暮霜紅葉改秋三
年為客地信宿許僧番聞道邊塵起關人莫解憂

晉信陽潭家河公館用壁間二韻兼謝南嶠任僚

長

前人

地險有茲關英雄度亦艱高秋算動興孤悶酒開顏事
業愁毛髮功名愧世寰此時如用武韜畧幾人閑
歲終初入楚秋杪復遊梁旅跡逢隨轉鄉愁鴈共翔峯
青公館靜露白客牕涼地主勞相送吾行倍有光

過關公祠

王朝遂

應山縣志卷中

十五

二

二百八十字

五月祠前風雨寒群峯挺伏列衙官忠魂在在神千古
銅雀何人祀老瞞

縣境四詠

顏木

石龍山

羣然歛一身天下皆莽敵平林應新市鐘龍受其轢赤
符兆白水真人膺寶曆後嗣非桓靈炎祚至今歷

真阮塞

晉氏失其綱土宇遂瓜裂縶子一以喪三關居然滅所
以孟夫子地利為所缺至今石城水汨汨聞哽咽

鐵城寨

古云尾不掉唐世尤見之強藩失其馭四海為肉魚鄙
哉高霞寓寡謀迷事機時無李節度祭功焉可期

法興寺

連公富好禮義方訓厥子二宋及歐陽比其門塾士云

何同講道出處不相似百年周德安猶自慕連氏宋淳熙丙

申歲德安太守吳興周頡慕連氏父子之為人作亭郡中頡曰慕連以見志郡人李松齡為之記且自於碑陰

繪霜霽圖而紀之詩不知何時沒之士中嘉靖丙申歲人始發出則碑已斷泐而詩圖獨免蓋三百七十年矣

鄉進士何遷表而出之以墨本見於故句中及之因附周詩于此五載崎嶇蜀道行歸來依舊守邊城苦無事

業供推擇聊為江山作主盟好把丹青傳畫軸要將悽惋助詩情歸裝已辦他時計與伴空瓶載月明

登應山城南樓次龍山中丞韻

應山縣志卷中

十六

留十九字

高仲安陸人戶部郎中

嚴城飛閣屹山中兩度過從醉菊叢西征北上正憶王

喬長令尹翻憐高適枉軍功登臨不盡襟懷適嘗為軍功都護

狀形勝終歸賞鏞雄傳道漢東修信史文章勛業許誰

同

秋晚奉陪王明府登城南樓用壁間韻二首

頽木

斜日踈煙杳靄中高樓還對菊花叢層城坐見岡巒合

百代能忘版築功野色淒清秋與渺悲歌激烈壯心雄

無端眼底平生事只有青山白月同

崔嵬榜閣此山中
睡霧遙瞻桂樹叢
開口那知身是夢
銷憂須仗酒為功
莫辭酩酊辜今夕
何用登臨歎昔雄
過鴈驚鳧兩無繫
一樽聊與使君同

九日應臺登高用向鐸夫韻 王朝璣

木落江空天宇開
秋容秋興共斯臺
七年不調成何事
九日終登愧菲才
城市謹呼嗟庶富
溪山險設羨繁迴
晚霞新月相輝映
快靚雲衢鴈陣哀

渡蟻橋和朱尹韻舊碑 張寬

溪外蒼茫樹秋橋
頭汨汨水空流
當時渡蟻人何在
祇有荆叢斷刻留

應山縣志卷中 十七 二 三 宿于宇

四賢堂和薛文清公韻 向孜

城南高處擁祠臺
斗仰文光去復來
風雨短簷山色暝
溪橋落日水聲哀
附有客題詩板弔
古無人翳草萊
今我得隨燈火伴
空庭對月此逢回

遊寶林寺二首 前人

問寺尋詩去携囊
結伴遊興長
僧日短鳥盡覺山幽
勝境添康樂
高僧識惠休
九龍千古在

御墨有詩留

一逕蒼苔滑何妨
拾翠遊珮聲
風竹響練色野泉流
歲月僧應懶
山川景自幽
坐看雲起處
真覺此生浮

遊寶林寺次王冬官韻

張寬

春陰暫出不知寒景勝才臨便覺寬無礙喜忝三大士
忘機漸咲一閒官翔空雲雁排成陣迭檻風花滾作團
留宿竹房清不寐起看明月倚闌干

遊紫虛觀

前人

紫虛舊觀據東山俯闕孤城烟樹間雀咲仙壇蒼栢老
龍蟠古井白雲閑歸來故里心猶赤夢覺迷途鬢欲斑
為愛清幽能遣興不妨拉友數躋攀

遊雲臺觀

向孜

却馬尋山會捫蘿入洞時苔封崖畔石塵汚壁間詩四

應山縣志卷中

十八

二

宿令掌

眺山川遠周遊步屨逢爐烟香滿袖相送白雲隨

又

張寬

生平性癖愛登山披霧穿雲咫尺間仙侶何須居海島
乾坤別有在人寰可堪俯視千峯小贏得清遊半日閑
樽酒盤桓情未已為頭乘月謾東還

過連郎中墓下

前人

宋室孤墳五百年鐘山深處炒芊芊最多惠政垂前史
剩有文風啓後賢永夜月明華表鶴枯枝烟噪夕陽蟬
豺狐何事跑坏土忍使英靈震九泉

圓通寺用王環溪韻

向孜

山疑青幘出水作玉虹流古寺蘭臺月空庭栢子秋焚
香僧與坐煮茗客還留翠壁紗籠句誰先共此遊

讀馬都司死節碑二首

張寬

封豕長驅疾似星將軍追逐凜如霆可憐力盡投戈死
山下于今血尚腥

兩陣交鋒塵向晨霎時重霧似雲屯我來忍視身殲處
讀罷新碑泪滿巾

重遊報恩寺

前人

何處幽閑適性靈上方清致謾空庭窓含月色供宵白
砌長苔痕映座青佛舍粧嚴西竺國禪心瑩徹水晶瓶
興濃更上觀音閣足躡雲梯手摘星

應山縣志卷中

十九

重遊寺

觀音閣

前人

高閣凌空結構新芳園突兀隔紅塵上通兜率三千界
中見觀音百億身排闥山光遙送目入簷雲影靜怡神
一登萬慮俱消却自是來遊不厭頻

遊合髻山寺

前人

西風空境細無停時送幽香花滿坳拂岫遠橫嵐冉冉
凌霄高竦柏青青崖端古塔深封薜澗底潛龍靜聽經
信是禪關真鷲嶺一塵飛不到中庭

應山縣志下

藝文下文

宋

連處士墓表

歐陽修廬陵人
文忠公

連處士應山人也以一布衣終於家而應山之人至今思之其長老教其子弟所以孝友恭謹禮讓而溫仁必以處士為法曰為人如連公足矣其鰥寡孤獨凶荒饑饉之人皆曰自連公亡使吾無所告依而生以為恨嗚呼處士居應山非有政令恩威以親其人而能使人如此此其所謂行之以躬不言而信者歟處士諱舜賓字

應山縣志卷下

一

三百十

輔之其先閩人自其祖先裕嘗為應山令後為磁郢二州推官卒而反葬應山遂家焉處士少舉毛詩一不中而其父政以疾廢於家處士供養左右十餘年因不復仕進父卒家故多貲悉散以賙鄉里而教其二子以學曰此吾貲也歲饑出穀萬斛以糶而市穀之價卒不能增及旁近縣之民皆賴之盜竊其牛者官為捕甚急盜窮以牛自歸處士為之媿謝曰煩爾送牛厚遺以遣之嘗以事之信陽遇盜於西關左右告以處士盜曰此長者不可犯也捨之而去處士有弟居雲夢往省之得疾而卒以其柩歸應山應山之人去縣十里迎哭爭負其

樞以還過縣市市人皆哭為之罷市三日曰當為連公
行喪處士生四子曰庶庠庸膺其二子教以學者後皆
舉進士及第今庶為壽春令庠為宜城令處士以天聖
八年十二月十四日卒享年五十有九慶曆二年十一
月四日葬於安陸蔽山之陽自卒至今二十年應山之
長老識處士與其縣人嘗賴以為生者徃徃尚皆在其
子弟後生聞處士之風尚未遠使更三四世至于孫曾
其所傳聞有時而失則懼應山之人不復能知處士之
詳也乃表其墓以告于後人八年閏正月一日

連都官墓志

王莘汝陰人

應山縣志卷下

二

四百零六字

連氏世家上黨有諱摠者徙居於閩摠生光裕嘗為應
山令後為磁郢二州推官其卒也及葬應山因家焉光
裕生正不仕正生舜賓有賢行以處士終于家歐陽文
忠公表其墓以謂孝友恭謹禮讓而溫仁鄉人以為法
者也以子恩累贈金紫光祿大夫尚書刑部侍郎生四
子而伯仲皆力學有名于時公即其仲也字元禮其名
庠慶曆二年及第調隨之光化尉移襄之宜城令改秘
書丞太常博士職方員外郎屯田都官郎中其在宜城
也縣當南北之衝調度供饋勞于民公搏節以禮而
上下便之知深州饒陽縣舉監定州便糶倉糶有羨數

則例當受賞公不自言而讓其寮段繹繹因以徙官夫世俗之交平居燕笑傾竭肺腑及臨毫髮利害則窺伺伺隙出力以爭之而公獨廉於自退如此知印州依政縣未踰年徙知茂州州雜蠻蠻喜以鈔略為生雖漢地者亦不肯輸稅公始以威服之而卒懷以恩訖公去不敢擾邊而負約當是時宋景文守成都為作詩以美之監西染院丁其母永安縣太君李氏憂服除賜緋衣銀魚通判鼎州州將武人也政多倚公乃興學養士擇屬吏以倡率之而人皆悅從蓋鼎之有學自公始勾當在京北排岍以疾致仕治平四年六月二十日卒於京師

應山縣志卷下

三

二

四百二十

享年六十有二公操履如其父而潔廉方正不隨世俯仰與其兄庶友愛尤篤出處於田間里閭之間接人待物一以至誠恂恂然惟恐不及鄉人既愛慕處士而又見二公所為則莫不心悅而誠服其循良者勸而囂傲者革是以應山之俗多信厚而知廉耻者皆其力也議者謂二公之行雖不可優劣至於應變之才則公特為長故為吏所至有能聲其去雖久而民尤思之當路者交章以薦一時賢士大夫聞其名而慕見其人悅與之游而不厭河南尹師魯嘗稱之曰良吏也君子人也歐陽六一以其言行比為芝蘭金玉二公皆名重天下少

所許可而其所稱如此然公平居以義命自處未嘗僥倖以求進宋元憲公暨其弟景文公皆將於處士之門而歐陽公交際尤密及三公貴顯待公益厚而公不以一毫干也公文章尤長於詩有集五卷藏于家始娶朱氏生一男仲熊忠信而好善為開封雍丘尉一女適進士李峴再娶李氏封仁和縣君後公十有八年卒生一男仲熙廉良謹飭為成州同穀尉二女長適宣德郎宋喬年次適進士李仲舒仲熊等以熙寧元年十一月三日葬公於縣西三鍾山下以夫人朱氏祔既葬十有七年得元豐八年十月二十三日復啓壙祔葬夫人李氏

應山縣志卷下

四

四百十

仲熊以狀謁于汝陰王莘曰昔歐陽公欲表吾先君之墓然文未成而薨矣今不敢輕以委人故有請於夫子願其哀憐而賜之文莘為攷公之事得其所以行於已施於家而著於人者豈非孔子所謂躬行君子者邪惜乎用不及其才而見於世者如是而已古者鄉先生歿則配於社而與祭焉因又為詩一章以遺應山之人俾其如古之時以公配社而歲時歌此以祭云歌曰恂好善兮行以躬完素履兮一初終化邦鄉兮莘姦凶出為政兮用其中三鍾山兮屹穹崇與公德兮並其隆豈獨文兮耀幽宮宜配社兮同勾龍俾世世兮倣而從里閭

樂考廉讓風刑罰措考年屢豐博哉利考堊無窮

四賢堂記

張耒文潛集
賢校理

治國有善政不如在位有善人之化民速也在位有善人不如其鄉有善人之化民易也夫人心之所感動常在其所易接而親者若夫政事者固民之畏則其從之盖有不得已之心焉其及物淺矣安陸之應山楚之窮邑也然其民好文多學者其俗善良不爭純靜易治其里之人為余言曰始吾邑之人未甚知學之利也有宋氏兄弟者講學於吾邑之灋興佛舍其後兩人皆取高第有聲名久之並為大官名益尊顯故吾邑之人其鄙

應山縣志卷下

五

四百十六

不學自棄於夷者愧之其居法興時有連氏兄弟者與二宋公游且好也其後亦登科仕于朝兩人起寒家仕不振然視故同舍生富貴光顯可攀倚為聲勢而兩人亦堅自立不少屈已附之其官終不顯故吾邑之人其不篤於廉耻僥倖貪利者愧之凡吾邑之俗好學而文純靜有耻者四君子之化也後五十年宋景文之孫義年令應山以邑人之意作祠堂於法興方丈之西嗚呼為吏於其鄉其有恩德久而民祠之者幾人故在位之善人如其鄉里之君子也二宋公之行事爵里書于國史士大夫舉知之連公諱庶字公錫以尚書職方員

外郎致仕好修而自重直諒多聞之君子也其仲諱庠字元禮為尚書都官郎中敏於政事號良吏世稱王陽在位貢禹彈冠為故舊之美然嚴光故人為帝逃之不肯仕彼獨何哉連公不因宋公以顯名當世卒以隱沒而不悔彼誠知所處與世俗所謂顯晦異矣宣和五年孫朝散即權知南劍軍州事連端夫立石

重修四賢堂記

湯起巖戶部

歲慶元上章浚灘顯帝乘北月族大呂元英將歸餘日唯五有一力自應山來者令君所遣人也手把歐陽文忠公連處士墓述張右史四賢堂記二碑軸與書而三

應山縣志卷下

六

四晉零八

書之言曰本朝二宋二連公皆應山一時人舊祠在法興寺僧舍西廡右史所記仍在然處勢隘卑像設亦寢漫漶不全竊懼弗可處久相地于寺之西南隅築遷焉今既閱歲念有以諗來者子雅故幸有述焉以遺之僕惟繕治緝飭之事今之君子用力於斯者志之所至未必皆出愛人樂善之誠心有釣於其間多矣釣必有餌以其人為餌僕以故居不喜聞况使刻畫侈恠之不惟不敢亦不暇令君僕知之篤端而文在官嚴於自律不事表暴不事求取衍衍然儒君子也斯堂之作實非釣具而四公寂寂又非可為餌者固僕所喜聞而樂道其

平時特以詩人者樂詠人之善也於是為之詩詩曰猗
 與四公棠棣之華秀辭一時茂興兩家宋公熙翮鄂不
 相鱗萬里風雲上負青天連公戾契淵冰激結進而整
 躄砥礪其節其光曄曄追惟平生法與是儀邑人之思
 右史之詞兩箔風楹歲環幾經築此特堂吾今令君令
 君勤民民燕其德振滯補弊此焉居一于時四公序集
 其觴生氣津津冠佩有光古之為政崇德尚賢居今篤
 古令君有焉君系隴西紹祖維名起巖作詩輯和厥聲
 敢告典者毋替其承

元

應山縣志卷下

七

三百七十九字

重修孔子廟記

石抹允雲夢縣尹

聖人論道至天而止非止也天無以加焉異者歎過反
 淪弗逮由不知天也然天何言哉必假聖言聖言即天
 言也所以先天而天弗違後天而奉天時惟其聖與天
 無間故能定以中正仁義而立人極人極立則綱常有
 賴以之格致誠正脩齊治平無不本於天而全於人迺
 吾儒天人之學也又豈有異與過不及之差哉此吾夫
 子立教歷於萬世而無弊者焉惜知寡行鮮治不如古
 非道之罪也後世祀之不絕宜矣至李唐進夫子以王
 爵以常情論之亦云至矣殊不知此特禮之文耳若禮

之本則槩乎其未聞焉何幸遇我皇元頒降聖詔於吾
夫子特加大成於是乎所謂禮之本者舉矣蓋欽聖詔
云先孔子而聖者非孔子無以明後孔子而聖者非孔
子無以法實發明堯舜以來歷代之所未聞非聖德合
天地明並日月何其深切如此由是論之則先聖後聖
之聖固聖也又不若吾夫子之聖為聖中之聖也此子
貢所謂夫子之不可及猶天之不可階而升也猗歟盛
哉信乎無以加焉應山縣自春秋時隸漢東故今屬隨
金宋以來廢於兵者僅百年歸化後民始奠居所以吾
夫子之宮多因陋就簡春秋朔望主者應故事而已延

祐庚申三城宮侯慶來尹是邑陋其制度而鼎新之工
及半以代去今尹歷山翟侯偉踵而成之其勤篤蓋有
加焉本縣耆宿感二侯之化爭出帑以助役材美璧堅
吏敏工善其於堂廡齋庖垣墉為之一新梁椽榱桷黜
聖丹漆悉舉無遺一時同寅若簿蘇明若尉劉仲信若
幕張廷秀咸克相之監邑從仕公保保雖後至亦完厥
未完訖工本邑耆宿胡銓等議曰邦君之善不可不紀
遂不遠百里而來求文於予辭不獲已迺謂之曰縣古
子男之國也為令長者有社稷人民之寄能盡厥職上
不負於國下不愧於民固已難得况學校之設世皆迂

之今二侯以難得之才為世迂之事前作後繼如出一
手可不嘉哉然人受天地之中以生既具是形均稟是
理不學則不知也知不知係于學耳學不學又治亂之
所由出此朝廷所以於路府州縣必立吾夫子之宮擇
可師者主之俾憲司暨長官提調牧養以求治也噫今
翟侯迺能遵此意繼前政建此學又能推此意集後進
講此道吾知其盡厥職上不負下不愧矣進進不已將
見楚隨之俗化為齊魯之鄉勒之於石誠可以勸於是
乎書

重修孔子廟記

魯璠璣中年主簿

應山縣志卷下

九

二百九十章

至正昭陽協洽之相月河南張順中子英職教應山既
蒞事祇謁先聖先師見其殿宇門廡材木多腐瓦石多
泐簷頽壁仆支西躡東廡然曰終朝之雨流潦不停既
夕之天列宿上羅學制果如是乎連數十城亡誦絃聲
教化不行有識之士所以深慨嘆而傷閔者君子是以
觀學校之興廢卜時之盛衰與政之得失也欽惟皇朝
列聖敦教諭綸綍之詳如此而廟貌之不飭奉承之不
恪尊理之不繼是負朝廷也是負聖師也是不勝其任
也亟以請之縣提調官達魯花赤黑廝從仕縣尹張叔
恭承事及僚佐咸是之欣然曰縣欲新之志願久矣膠

擾於簿書未即經營子得我心之同然伯兮叔兮倡子和汝於請集諸儒謀其資費咸樂為之助迺度材木迺堅陶甃迺謀迺作迺召工師迺新迺葺鳩工於甲申秋八月至十又二月將畢工也承事魏從恕代尹縣嘉美贊助厥成益光焉夫其廟貌閭閻矣其殿庭殖殖矣其庶序秩秩矣其櫺星將將矣異日之腐泐躓仆者今整整矣子英道然曰吾之責塞矣吾無負於聖師也李觀之嘆吾知免矣然是役也非縣官之賜亦何以遂吾之事焉天子之不我遐棄則願以紀之將壽諸砥礪以識提調官之功以為後來之勸毋金玉爾音予以寡陋固

應山縣志卷下

十一

四百二十字

辭不獲命則復之曰君嘗捐已財以建河南書院矣則今脩泮豈不綽綽然有餘裕哉所謂常情視之憂憂乎甚難巧匠臨之恢恢平優為也若夫旅楹既闢獲成孔安縮版以載作廟翼翼商周敬宗崇廟者詩人頌美之聖人收錄之昭示孝敬也况乎新葺廟學所以嚴明祀敦至教篤風化之本原謹為治之先務可後於商周之雅頌乎思樂泮水薄采其藻載色載笑匪怒匪教為之三賦雖然二三子濟濟衿佩干干矍澤鼓篋干斯來遊來歌盍亦思其所以崇建廟學之故而知其所以為學者何為也哉蓋天地之性人為貴而人之所以為人仁

義禮智根於心也然其生有氣稟清濁之分長有習染
邪正之異迺非天之所以與我之固有者聖人憂之逮
學立師俾之窮理盡性擇善固執心不外馳事皆有益
日知其所未知日謹其所未謹中者成之而不中者未
嘗棄才者達之而不才者未嘗不養是故以仁存心而
吾之所宅者無平而不居仁為己任而吾之所處者無
平而不戴操之以不息之誠持之以不倦之志孜孜焉
惟善之是明拳拳焉服膺而不失實克允蹈入于聖域
則其和順積中而英華發外非徒弼諧中而處於外者
矣故其出處語默進退周旋無一而非仁也造次顛沛
終日之頃無時而非仁也高而際天卑而潛地大而有
以極乎無間遠而有以極乎無涯仁不可勝用也萬物
皆備於我矣夫如是庶幾乎上不負朝廷興學校之大
德次不負賢令尹維持勸勵之雅意次不負子英樂育
誘進之盛心二三子勉之勗之則夫新葺之功是豈徒
然云乎哉

應山縣志卷下

十一

二

三百八十九字

社稷壇碑

魯璠撰

社所以神地道居其土食其利必報祭之其來尚矣竊
嘗考之社實山林川澤丘陵墳衍原隰五土之神而后
土句龍氏配之也稷則專隰原之祗能生五穀而后稷

周棄氏其配也周禮大司徒設其壇壝累土以爲高不
屋而壇必受霜露風雨以達天地之氣也自王都至於
郡邑得通祀焉春夏祈穀載芟歌之秋冬報賽良耜歌
之則颶風農桑之務於是致意焉水土既平百穀盈止
則土功用成之日於是有黍稷稻粱之慶焉薦必以血
牲必以黜於是致達陰之義焉然稷非社無以生社非
稷無以見生生之效社稷同功均利養乎人固宜祀之
也自唐以降諸郡縣又得益以雷師雨師同壇而共祀
之雨師畢宿也輔時而生養膏潤乎萬物雷出地奮鼓
萬物者莫疾焉蓋四者誠二氣之良能天地之功用流

應山縣志卷下

十二

四百字

行於覆載之間以育萬物而賴民生其功尤盛焉是則
四壇者守土之重祭也應山古侯國今中縣有民人有
社稷固宜然也舊有壇壝蕪穢不治至正四年冬魏侯
從怒來丑縣事宇民以仁黜民之瘼滌弊鋤奸興廢起
墜政令一新於是城之南岡近西之舊址擴之闢之增
之崇之夷之壤之墁之垣之隆爲四壇其崇廣東西南
北相距舉以法社稷二壇面北主陰氣也雷雨二壇面
南達陽和也甃其唐塗便步履防泥濘也立石為主循
典禮神憑依也既峻事邑士方琇走書來曰吾邑多幸
新得賢令尹篤撫字平徭役教種藝振游惰爰建社稷

壇後雖浩大而氓不告勞費雖豐腴而財不出於民斯後也為吾民而為之也蓋亦紀之堅砥以彰賢令尹之惠俾回簾製錦者不徒曰有社稷焉而知所以有文有實也又使後來者知所矜式焉子蓋為我文之辭不獲命則告之曰昔有為句容令者先是縣多盜令於是改置社稷而加禮之縣之盜由是遂息焉今令尹禮其社稷徵福於神將以革民俗滌暴之污誠先務也嗟夫今之維銀章墨綬者冗焉矧毛窘焉鑿焦察焉吹疖備焉懲齏臞焉求免上責撫拾焉從士獨賢群胥謹啖手前雨辭辨競手下未嘗頃刻之少休暇豈遑社稷之津

置乎而或僻遐淳靜則山城無事醉醲飽鮮爾奚致意民事之念社稷之祈報乎不然淫魅之是睚眦曇之是信飭土木灼金碧諂非鬼裡非祀又安知寅社稷以奠民乎魏侯賢令也壇壝穹如規模壯如禮制儼如山川為之改觀人民為之贊美於是人和而神降之福斯不孤民社之寄彼句容令之加禮於社稷而盜息者大有逕庭又何可與此同日而語哉夫民社先務是宜紀也於是乎書

魏縣尹去思碑

魯璠撰

漢東之國隨為大應山自宋嘉定中始為隨屬縣有宋

元憲公之善德連徵君之善俗故其民秀而文其俗朴而儉今之尹是縣擊姦鋤冗爬呵痛癢日多有之若端本激末浚源溉根其燕山魏公焉公名從恕字仲賢至正甲申冬由某尹調應山東吏以法繩民以恩如腰鼓群奏以塞剝竅之聲是以吏肅而懼民嬉而從每旦揖吏於堂講四書及唐律條貫虛懷下士開心奉公魚泳雲飛風行草偃惟公知教化之原於學校創明倫之堂新左右齋舍知治道之肇於義軒粒食之在於社稷或棟而屋或樹而壇公解一新門墻四闢披荆棘立四賢之祠訪故址架渡蟻之橋百廢並興公談笑而為之宜

《應山縣志卷下

十四

二

四百二十

其在位而慕去位而思不惟公之行事可紀可規者皆可以為來者法不惟去而思之而所思者有以見其德之入人之深而民之愛公者至故縣之士夫宋克明等推誠請文以紀不朽且曰侯之來吾邦五月省耕踏廣水村曠間見老嫗少婦泣且蒔秧停車勞問嫗言夫男以疫死惟婦姑存貧無資以傭人耕侯惻然太息指已俸五十緡買力代其耕植以稅其勞此博愛之道洽於菴墜也年饑鄉民鬻子而食甘氏有弱女貨為婢苦管捶逃歸買者訴於庭元楮四十千甘氏不能償侯助其贖此及人之恕推於幼弱也歲丙戌朝廷遣使宣撫河

南江北道侯以廉德聞轉命按部郎之隸邑至雲夢平
反周子榮獄從重入輕有司以大辟論報主者屢審而
疑侯察其情詞以律擬罪上諸天使衆以為允此欽恤
之意刑於用獄也及應城其縣民某甲訟馬百戶占民
田數百頃餘冒為軍屯民訟於官者四十三年省憲郡
六斷不從侯片言而馬暗汝陽故田復歸東郭此剛毅
果斷行於強禦也不寧惟是如議役之戶甲常平之區
畫侯糴至四千石鄰郡至二千石應雖三遇饑年民無
餽食之憂此救荒之政著於鄉井也柴麻連野禾黍盈
疇勾者畢出萌者盡達此農桑之最足於衣食也侯及

應山縣志卷下

十五

四百二十

瓜而代庚寅夏復來自燕白叟黃童迎拜道左先覩為
快嘗自論之大凡事之合於道者已雖不以為異人自
異之政之便於民者已雖不欲其譽人自譽之况縣之
豐碑美頌多公遺愛若令之賢取諸春秋常事不書之
意歟銘曰卓彼賢侯為國之琛政以簡易民心為心沛
乎江河不濫不淫甘雨和風式陽式陰治具畢張束矢
鈞金三年之淹愈勤而欽憂國如家心淵靜深其威如
秋肅乎商音種桃成華種桑成林公未至只百漏滲淋
公既來只悛焚得霖化行嫠婦病起呻吟饑民贖子歸
田無侵賦均義役糴增常平公去而思搖搖心旌高天

厚地伐石刻銘傳之悠久為世儀刑

關雲長廟記

陶壽安慶路
經歷

應山縣在古荊州北境神嘗治此州爬搔撫循惠澤在人則廟而祀之也亦宜神始事照烈為軍司馬昭烈數失軍陷身而神與之周旋不避艱險漢日寢微妖星耀芒天下士子雲趨以從雖荀文若不免失正神獨以忠義自許迺能擇士君子所不能擇者操敗袁紹勢將有中原欲與神共事神不義其所為辭重爵而出亡列將雖微舊恩必報則其忠義之氣凜乎載而常存者也神欲奮身殺操劉主不可卒用困躋議者恨其失策在荆

應山縣志卷下 十六

一四零四

州時提兵討樊仁虜于禁操將避其鋒而徙都則當時為漢諸侯能病操者莫神若也操非不欲身禪天下而畏天下義士士有義心而勢不足以為病則操亦不畏勢足病操而心不在漢則操亦不病惟神以忠赤之心義倡其勇以一州而北動中原摧不渝盟漢事成矣然則漢祚之少延國之未墜皆神之功也神之將死權欲留之而彼之謀臣皆知其終不為用則忠義之志不獨著於國中而敵亦知之非積誠有素者不能也傳稱盛德必百世祀神以身殉國子復死孝血食幾絕匪天道也運益衰明德若舜者不可復見苟一節之盛祀之可

也况應民之祖先實受其賜為雲仍者可不思其所自耶縣故無神祠民皆家祭戶禱褻瀆弗欽少府明君始以毋病禱神獲應迺出已力構廟像於縣治之東北承以門廡繚以週墻凡屋之以間數者二十有二厥土燥剛厥位百陽前列平田後枕山阜軒豁爽塹器塵不至禱而祀者不戒以庸於是邑之士子合律以請曰惟神以忠義著名於古而少府以孝承之於今惟忠與孝人道大紀粵若稽古神道致孝而碑石不立無以勸會傳後予惟怪神之事儒所不言而神之大節彰彰見於史冊生能利澤其人沒猶警動禍福以血食其方可謂靈

應山縣志卷下

十七

三言八十六

也已迺作歌詩以安神靈詩曰漢日西墜妖星耀芒九州幅裂群雄鳴張桓桓先主惟賢是與神實爪牙復任心膂舍徐適荆南土是營大戰赤壁浴日塵兵操雖北遁仁禁尚強神大破之復表旌疆權謫不天蒙遜詐護襲據其後與我相連嗚呼神考竟以忠死英靈昭昭宜享廟祀碑之有文實稽諸史至元四年歲次戊寅季冬吉日

重修四賢堂記

魯中

繫辭傳曰可久則賢人之德可大則賢人之業故又曰富有之謂大業日新之謂盛德聖人辭旨豈空言哉應

重修四賢堂記

曾鼎 廬陵人本
省副使

士君子立身天地間生而有功德行義見重於當時沒而有文章事業流傳於後世者則人人莫不景仰而愛慕之凡其平昔所居止經歷之處必為之祠若堂以表其名迹者無他好賢尚德之心人所同也因昔賢之名跡以興起其後之人則是又有民社之寄者所以作興士習之深意存焉德安應山之四賢堂迺前宋二宋二連兄弟講學之所也二宋之功業文章固已重於當時而名於後世二連之行誼在當時亦足以及於人而未嘗有所阿附故令名足以並傳於後世為無愧焉前後

應山縣志卷下 十九

四百十四

為堂之始末昔人之記備矣代遷歲久堂圯弗葺故址殘碑瓦礫榛莽過者慨焉正統五年春郡守范君理因過應山讀四賢碑文覩其堂廢之久未有重修之者迺喟然嘆曰應山之為邑以四賢之名見重今堂毀弗葺鄉人無所瞻仰而士子無所景慕甚非所以激勸後人之意也迺率僚屬誌應山之令佐相與購材鳩工即其舊址而重建之堂成予按部至郡范君請言為記予惟好賢尚德固人心之所同然必有好賢之實而不徒以誇於時是迺足以為勸不然徒侈其名而已記曰好賢如緇衣言好之誠也其詩曰緇衣之宜兮敝予又改為

此下疑有缺頁

兮豈非斯堂之謂乎范君斯舉既有以重高山景行之
意而又因是有以勸勉後之學者俾皆知所以激勸磨
濯以進夫賢入君子之學則他日進用於時豈不以昔
賢之功業行義文章自期也哉是則范君之所以望於
後人者不少矣應山之人士其不可知所勉乎相其成
者同知武鐸通判張雄推官雷礪經歷張孟昇董其事
者應山知縣田順暨耆民王文質吳溥繼而完葺之者
知縣李志榮典史趙景也創以其年三月二十五日完
以正統八年二月二十五日

重修公宇記

陳秉中翰林
侍講

應山縣志卷下

二十

二百七字

應山令桐城李侯惟亨治有惠政

朝廷旣旌異之矣爾歲

廷議精覈百僚巡撫重臣復以治行卓異承

制獎勵焉茲將滿已去邑父老以侯嘗脩邑與學有功應

山不可無記也俾來請書其事於石初侯蒞任踰年即

以興廢治敝為已任一曰視縣治慨然曰此吾所以出

令治民者也而陬隘卑陋如此民奚所仰百工居肆始

成其事邑壤弗治事將焉施於是經營圖創規畫其材

力所從出凡以事就逮於官者不窮致於法惟第其重

輕多寡出其貲以為贖復發已索為之倡凡僚屬咸勸

使之佐既而邑之耆老而賢殷實而義者舉樂助焉迺
量時絜力鳩工庀材首為治事之堂易朽以堅斷華為
樸規制如舊而崇廣有加其堂之左繕為廳以處幕僚
右完為府以貯公帑堂之下新其廊廡分而為六房堂
之前為儀門門之外為譙樓復建廣廈於堂之後為退
食之所齋居有室庖福咸具繚以周垣甃以文甃翼翼
以嚴秩秩以飭既而以序而脩學之講堂與藩臬分治
之司若輿梁傳置羸賓館舍祭祀壇壝皆煥然一新焉
凡屋以間計者若干民之力以工計者若干經始於天
順甲申九月比丙戌十月而潰於成嗟夫

應山縣志卷下

二十一

三百九十三字

國家重守令之職欲得人以成治世之人不皆賢也卒營
營以私汲汲於利間或一二稍知自持亦徒區區於簿
書期會而已能知所當務者幾何人若李侯者信知所
當務矣知所當務而盡心焉其賢矣哉宜其民安事集
惠政流聞被 光寵於

九重著顯名於當世也故因邑老之請為記俾來者知所
嗣焉若夫政績之詳具見於去思之碑其事之尤異者
民皆能言之不繫於修治之顛末故不書

李縣尹脩學去思碑

劉子肅

福建
會事

夫自有虞氏設學所以明人倫成治化也三王因之後

世法之迨夫我

朝列聖相承法古為治尤以學校為重故自京師至於海隅郡縣皆立廟學擇可師者主之且俾憲司暨長提調教養以求治焉世有政教之責者亦必祇承

德意脩飭學校以為為政之本記曰如欲化民成俗其必由學乎應山令桐城李侯春發身賢科歷政內臺釋褐為今官視篆以來謂學校為風化之原人倫明於斯治化由於斯賢材育於斯先是重於因循歲久滋敝不有以脩飭之無以副

上意成吾治於是進謁先師退就學館顧瞻咨嗟曰廟像不飭學校不脩令之責也春奉

應山縣志卷下 二十二

三

朝命來事寧有重於此迺諏日就事鳩工度材易以新廟自殿廡像設祭器戟櫺星門學自堂饌舍庖廡街衢百爾葺治具備加于舊規經始於成化己丑落成於成化庚寅非以騁觀視快人情將以崇敬仰遂教育以成化民成俗之意用是人材輩出禮義成風觀感激勵致用以和士民德之噫若李侯可謂為政得其本者矣視夫世有不究大體體承德意而旦暮用心案牘期會以為能趨走迎餞以為賢教化一事慢不之省者其賢否何如哉茲以九載述職有期教諭游邦真校藝來聞具侯政

績屬於予歸將碑于學以永師生去後之思客有同其事而問予曰嘗聞漢循吏所居民富所去民思蓋以寬民之徭薄民之稅阜民之財而民思固其宜也師生職在教焉學焉而已矣奚於侯之去而思之又將鏤石以識其不忘無迺過情乎予荅之曰學校以禮義相先况侯於學校興崇教養率有成績則於侯在而敬侯去而思秉彝好德之良心也宜也非過也抑侯德政不一而足滄肌浹骨入人之深矧六事兼舉百廢具興非徒邑民去思有碑而口碑途誦尚未已也予固弗獲道其詳然聞縣之庭樹靈鳥數千縣堂之西有榴一蒂四實是其仁及鳥獸草木迺其驗也昔漢之魯恭令中牟雉在桑陰時人謂其化久鳥獸及積德禳災豎子有仁心為三異其後位至司徒侯之奇績殆有類焉侯亦自此升矣此固予之望也亦師生之情也

李縣尹去思碑

張贊

為邑之道貴乎平易宜民而已古之善為邑者莫過於漢之卓茂魚豢周榮王渙數君子史稱所居民富所去民思生有名號死見奉祀庶幾德讓君子之遺風千載之下聞者莫不興起世人疑其有奇異治理夷考其政不過寬厚清靜謹身帥先居以廉平勞心撫字而已夫

漢去古未遠人物淳厚為邑者位君子男生殺予奪悉由以出無所牽制故上德易施下情易感世降風俗日漓吏治日以苟簡為邑者品秩雖卑而法令繁苛民頑政龐治效難見求如古之善為邑者落落中今見一人焉應山邑大夫李侯其人也侯名春字惟亨安慶桐城人甲以科第發身膺異選拜今職下車以杜絕苞苴親賢遠奸惓惓以惠養黎元為心先是舊令簞簞不飭弊政鞅掌後歛百出流亡載途邑之富室巨豪大為民蠹且丁歲大侵隣壤荆襄之間致攘奪起奸黠蟻結民蓋睽睽不相保侯至首為延引耆宿貶損禮容問民所疾

《應山縣志卷下

二十四

三 四百三十一字

若求所以去害安民之道並得其情悉次第繩治招徠撫摩游惰者警之以耕耨窮乏者貸之以衣食苦窳者教之以溫恭敦實強梗者宣之禮法威令弱者扶之仆者起之良善呻吟者安之慰之興學校正婚姻征歛以時徭後有定立集市以通貿遷築陂塘以蓄水利脩明祀典禁止奸邪所以利民厲民者不憚利害難易勇於必行以求必當而後已由是驚逋以復田疇以闢序塾以興倉廩以實詞訟以平憚獨有依禮義興舉上安下順績用以彰休稱籍籍蓋侯之操存正律已公故民之率教如影斯正如響斯答自巡撫都憲暨藩臬而下

交章論薦褒予有加禮幣交至古所謂愛民受賞者侯以之矣茲以九載揚於

王庭有日邑之士民似不可一日違侯且不能為侯置行途碑墨詠遠邇喧呼於是邑教諭豐城游君邦貞謂采風謠銘德政儒者事也迺謀之訓導恭和劉君拱安福彭君祥遺庠生王凱孫陽義官趙武者耆民李統綱致書幣於予徵言以紀其實將以鐫諸貞石以垂永久以識邑人去後之思顧不腆之辭奚足為侯軒輊哉書幣三返而不能已迺知民之不能忘侯者蓋有孚惠心自不容已也昔召伯治陝巡行鄉邑舍於甘棠之下而聽斷

應山縣志卷下 二十五 三十七字

焉陝之人愛甘棠而不忍伐卒至形諸歌詠播諸聲詩足以風頌萬世俟往矣予知應山之民仰侯休光挹侯遺愛愈久而愈不忘將有甚於陝人之思召伯也傳曰樂只君子德音不已侯以之矣予既掇拾侯之德政大槩謾為贅說以復諸君子之請而又竊有申焉夫理一色而治則可移之一郡以侯之德政雖移之一省施之天下無所不可况一郡乎函牛之鼎豈止烹鷄予於侯有望也亦邑人之情也

游先生去思碑

劉拱萬安人本

我

朝

聖神代作建學立師以泚人心爲治化之本豈無卓然自立奉

上旨以教道結人心者游公邦貞先生江右之豐城人天順己卯領鄉薦成化丙戌授掌應山邑庠教履任以來大懼人材放失闕科稍久迺召諸生諭曰學問之道在收放心當卓志仁義道德盡格致誠正之功收修齊治平之效豈徒記誦口耳文字以媒利祿爲哉諸生聆之無少長唯教是從黽勉精進先生朝則指畫講貫夜則筆削課業誘掖激厲始終無間是以諸生益自奮勵夙

應山縣志卷下

二十六

三百七十九字

夜匪懈筆楚之刑措而不用悅服之情久而不厭辛卯大比得捷二人繼今成人有德小子有造挾藝而角秋闈領薦而上春官彬彬濟濟項背相望矣茲以秩滿奏最有日齋長陳傑孫陽率諸同門告於分教彭君庠曰先生之德其可忘乎當琢石爲碑以永之來徵予爲記夫先生師範九載漸摩仁義導迪詩禮三典文衡桃李滿門思之者豈跪指可計乎昔孟子論王道謂如七十七子之服孔子今先生以教道固結諸生之心門弟子安得不以七十子之服孔子者而慕於先生哉詩云有匪君子終不可緩兮當以誦武公者爲先生誦

王縣尹去思碑

顏木

王侯安福人擲學正遷焉至而饑倉廩乏死徙者衆侯白諸統且為文以諭富民得白金八百賑之津西巡察善其策薦于朝欽獎之焉里什長公費若後歲輸其一然有廣狹也令相沿無饒減歲終始免侯計糧丁之率而以歲之日配之日足而釋弗歲妨也治省汴中道之會也蹄將迎無虛日侯亦計其丁糧丁之一配糧之斛斛三十令出一馬然有公度及沒入者閱其繁重諸所役費皆半計之而已夏秋兩稅審其飛跪與其歛納饑或不充以公帑貸之候熟乃償其輸內帑法准以銀

應山縣志卷下

二十七

四百零六

力殊省易斯則盡昇度沒者而它不與也水利舊設塘長槩肆誅求弛亦賂免其里胥亦假催科群而課民歲一再至侯於此並革之也土田磽瘠間宜木棉作勞成布易其食用而俗銀代錢馱僧禪販之徒雜其厲苦眩虫邪羸幾弗能禁侯加糾治使質者即真苦者化良而不相欺也北鄰羅信寇竄發侯簡民兵具衣械拓治場宇且申嚴保甲防守之庚寅春果巨寇數十田真阨徑入勢甚猖獗其保禦之禽勦殆盡自是不敢言犯境矣是夏孔子廟隳侯屬典史鄧君采木而躬自調度凡費陶甃經營晷月而工訖武黃二衛永樂中來屯注籍

強半惡有谿山遂捐之而屯京山黃陂所籍之田聽民
占焉增稅于官其籍猶藏武之史高氏弘治中議覈屯
高之後懷籍私示京民曰汝執此不即嫁于彼乎京人
從而愬焉於是令州縣能核屯進其職縣有利之者
檄至而誣服自是注籍之衆田不加多既輸民租又納
軍稅田移數主名仍其故歲徵之際動相牽引彼復實
緣恣其橫虛偽增滋甚侯亟使人詣京廉之其名多符
於籍嘆曰一軍二屯例乎力白諸統異議不報惜哉宋
二宋子嘗讀書治南後人即其地建橋與坊小連子墓
在三鍾山麓並久廢侯修墓而建橋且易坊以石敞如

也正德中河南都司馬公追賊至山口戰死侯即其地
祠之且于南西郊又各買地與貧民死者葬焉不寧惟
是于邑厲徙其壇于養濟葺其舍于預備初其倉于藩
臬諸司飭其宇然是諸役其材力咸取足贖金無所於
賦也劉六之變無城守故直據治內士庶逋竄長吏延
拜公私之害極矣侯至是築之徙汶水稍南而湮其故
道三旬而工訖諸統司聞之咸驚曰何役之速也侯未
即已契本之稅積若干銖也備賑之谷積若干斛也計
其實足以充木石灰甍匠傭之費也初課一考法應往
奏則以不城不果茲役作而春事興遂弛之既而諫垣

缺來徵侯於是黃籍亦應編上民數徭賦一失其核弊
且十年侯雖聞 命亟為研治無爽焉且于鞏城經費
分屬諸役各有司存皆不以其去而弗加之意也五營
見今之仕者矣得一與考若被徵也榮願欣躍以赴功
名之會回視舊職如脫敝屣而侯今皆不然也可以觀
其用心矣其事母孝而敬勞勞在公禮猶不廢其律已
廉而儉日止一肉供其母已與妻子蔬食而已其蒞下
明而勤問閭之狀悉莫之欺雖深山窮谷之民亦徃徃
熟識其面詩諭士農流布民間率多感化其馭吏嚴而
正其接人實而厚其事上忠而謹深沉毅決警敏慎重
絕無疏怠粗辟之容微山巡按力薦其賢潘臬臺部時
相值者無不敬勞也論者謂吾縣近歲以來若東魯黃
侯之敏毅錫山談侯之子惠姑蘇莊侯之信厚侯蓋兼
而有之矣識者以為名言

重建孔子廟碑

顏木

九年夏縣大雨夫子廟隳明年有

詔正其位號革其爵謚與其塑像別祠啓聖移路哲伯魚
孟孫氏為之配侑食諸賢有升黜焉前令王尚用考之
畢廟而去啓聖闕祠蓋三年焉今令王朝璉補之僉憲
陳公嘉言行縣又廉侵地闢學舍若干楹且復唐張巡

祠云典史鄧儒教諭夏時亨訓導衡正謂木土者不可
以無言夫孔子之道其自言也與其門人之所論記也
所以發揚先聖教詔後學者盡之矣木何言哉然天下
後世無小大無貴賤據夫言而順放諸行而達違其道
而禍故醇乎其道者謂之王雜乎其道者謂之霸悖乎
其道者謂之賊秦漢迄今二千年間厥有徵哉詎主鴻
儒代不乏人或贈之以官爵或進之以謚號或立之以
祠宇或設之以貌像或配之以門徒雖云禮有軒輊事
有失得其好德之心一也然古者先師之祠不立廟不
追謚不贈爵不設像不淫祀蓋祭樂祖于瞽宗士釋菜

與天子出征反而釋奠皆於學焉是不立廟也諸侯薨
天子論行以賜謚孔子卒魯哀公誄之子貢以為非禮
是不追謚也王公太師皆漢以後之贈前此未之有也
是不贈爵也祭有主有尸釋菜釋奠有主而無尸是不
設像也義有差舛學非聖人行素貪鄙謂當見擯于洙
泗也是不淫祀也故立廟起于學廢學不廢則無庸追
謚原于法弛法不弛則無謚贈爵本于心侈心不侈則
無爵設像由于祭瀆祭不瀆則無像淫祀始于識拘識
不拘則無祀然學而庸者制雖復主乎敬矣異世而爵
異世而謚師它教而非聖人于禮越度不可以為化矣

故立制莫大乎王立極莫大乎聖非王非聖創物作則
速譏取戾孰甚焉是故追始明倫正名核實去謚而師
革爵而子易像而主達禮以定分正倫而厚俗徇名而
責實此

高皇之善則

今日之盛制也是役也材石甃甍丹漆黝堊工器力食
或采之山林或作之陶冶或伐之淫祀或取之蠹民或
贖之罪人役之而不以為勞用之而不以為費驅之而
不以為怨法以律人義以和衆秉威用明樂而成之君
子謂之善後焉嘉靖十二年秋七月記

應山縣志卷下

三十一

三節亭

新建張中丞祠

顏木

公名巡字巡唐鄧州南陽人為御史中丞守睢陽賊帥
尹子琦攻城與之力戰死焉史載其事縣有其祠官無
祝釐牲幣且令甲之闕載也其吾民之私乎公之忠義
激發如烈風迅雷所在披靡百世聞者猶足以死奸挽
亡而起夫人之敬矧距其土著若死節之地才數百里
者乎大義驅人群心欽仰相望而祀固其所哉且祠之
興而廢廢而興不知凡幾圖志有其述父老有其傳豈
近世之為乎僧徒弗逞蝕為佛堂貪憲陳公廉而逐之
令知縣王朝璠典史鄧儒從事焉基惟右隘購諸民而

益之祠以三楹翼以兩榮繚以周垣啓以大門正其位
辨定其祝嘏祠後門旁有隙地也則為廬以儆民而併
其贏以為圃通計其地廣十尋而弱長倍之而強廬圃
之稅歲得百金九十餘銖焉蓋十八以備物祭於是乎
供也十二以雜費理葺鄉膏于是乎出也祠來久矣民
所自為而莫屬於官禮云明備疑未有今日也

王子城縣碑

顏木

縣而不城蓋百有七十年焉或局于其形或恃于其利
或難于其人恃于利者以其阨也局于形者以其坳也
難于人者以其費也謂其阨則罔合而澗環天成其形

應山縣志卷下

三十二

三

四百零三

不俟之也謂其坳則中下而四崇隘之則偏拓之則水
澗而民參之不可為也謂其費則藏虛財縮勦民動衆
疑而弗決憚而弗前也夫先王之制侯城視宮今之縣
古之侯也而可少之乎於是乎王子城之焉徙澗而南
折東迤北至于應麓徑三百步與下流合而堙其故道
絕公之餘補民之參者六十四家其體正員其勢負崇
而抱庫其輪為舒其廣為促雉堞樓櫓工力器用議其
鏹直四百三十七錢三百分錢之一百四十二錢稻千
三百二十八斛五分斛之一減贖券措官沒公餘府之
芻蕘廩之陳粟抵盈其數告報稽驗鳩工給鏹振衆布

稻甃整五十三錢萬二千分錢之五百七十一碼礎八十七錢萬二千分錢之五千一百二十七材木五十二錢百二十萬分錢之百一十二萬一千一百一十六壘城石燼百四十錢六萬分錢之二萬四千二十五鍾鐫銀較十二錢六千分錢之千七百三十八導水壘岍十八錢六百分錢之三百六十七貿易民居四錢六十分錢之四十五畚簣杵簿纏竹纆缶蠶勺絲壘刺埴之纒籍塗之布三錢六千分錢之五千六百六十九物其土宜酌其規制用其間力購其美材募其善工故夫基之博而堅也墉之修而厚也閤之方而直也陌墀隍塹之

平而淡也揣其崇得二丈蓋墉塹石四尺甃二仞閤塹石六尺甃二七也度其廣得三仞有尺蓋甃博六寸石倍有半石之燎三仞不及五寸甃之燎三仞有四十而擇塹不與也計其長得二百三十三雉為閤者四中洞而外方中置扉楯則鑿其扉而束其楯也為竇者五石四而陶一也為堞者千六十八櫓間而覆也門上有樓朔南之崇二仞有半長三筵有半而弱廣倍長而強左右之崇不及四寸廣不及三尺一寸蓋其極鄉明制異於他固其宜也衛城而郭摠以旗亭截道而津引以石梁南滙周淵東注二閘體裁一新規摹殊別其雉堞

亘蜿蜒糾結凝然以盤也睥睨闢軒彌縫重襲緻然以
闐也鍛猷蘭綺參錯布列斬然以整也楹碩棟廡挺卓
伏制岷然以起也枅桁榑櫨交互結構業然以承也焚
燎擔楞布散絲連奮然以張也薨棟及宇獸吞鳥翔毅
然以怒也櫺疏杲魚髹漆聖成粲然以光也郢襄汝申
衡從千里疆固險阻鎮重威遠此其一也可謂壯也已
夫築削墉圮培鏹購材增陶埤碣建樓對櫓鍛鏐髹堊
關棧管鍵敝精竭神寒暑以之王子之功也立裁計貨
陶甃采石行而未成王子之族子前令賢卿也王子敏
而密清而緻貞而不阿承宣子惠惟其當焉而不取仁
以要譽故雖敝民亦暫疑而卒服政寧惟是而是為最
也王子可謂有大功矣守公談子即承李子別駕張子
司理李子他日行縣見而瑋之皆謂昔人格于三議無
能有成王子不其然矣於是乎屬縣之老顏木者備述
之也王子名朝璉字惟佩別號環谿吉之安福人

新建名宦祠記

顏木

禮祀先賢若鄉先生不及夫涖官者焉昔人謂如文翁
治蜀常衮治閩肇一方之文治凡若此類宜列群祀蓋
近世宦祠所由本焉縣祠四賢自宋令義年始宋子當
盛世即僧廡以祀其先人而兼及夫並游之士其為制

簡而陋其為義近而辟然終宋沿元逮夫

本朝相承而不廢蓋先賢之祀舉焉獨李子庭芝死忠於亡國之後其大節凜凜與秋霜烈日爭嚴使四賢處其時不知其孰為優劣乃不得奠一豆於其側後之人固不得辭其責焉宋令而上宦游吾土曾莫史見宋令乞今五百餘年鬼之碑志評之故老於宋得李子紹祖湯子稱其端而有文嚴於自律不事表襮不事求取振滯補敝居今篤古蓋賢令也於元得魏尹從恕善政縷縷去後見思亦賢令也於

本朝得令若諭九四人亦皆名士也王子曰李子吾躋之

應山縣志卷下

三十五

四伯零五字

四賢六子吾祠之別字乃為達諸統司且擇地於學宮之南凡為堂室若干楹而門墻四周既落而並安厥靈且更四賢堂之額曰鄉賢祠其功德之報亦無不舉者焉夫制祀之義其來遠矣我為政之君子職專一方施張運用精神心術之所及明而有以感乎人幽而有以假乎鬼神允其英爽光景聯連係屬百世之下廟貌而時祀之遠近之機感通之妙受祿於天錫福於民豈非政之宜也哉而况乎善道相引使後之仕者生者瞿然興發奮思激厲追仰而企及之抑亦豈非政之遺也哉王子為縣凡八年雋敏毅朗愛牧綵覈建立城築比比

而是而茲其風化之務不可以無紀云王子名朝璣字惟佩別號環谿吉之安福人

鄉賢祠祭文 春秋二祭

王朝璣

維

嘉靖某年歲次某月某日應山縣知縣某 典史某

儒學教諭某訓導某等敢昭告于

宋司空鄭國公宋元獻公

宋翰林學士宋景文公

宋職方員外郎連公

宋都官郎中連公

應山縣志卷下 二十六

二百三十一

宋少保左丞相前制置兩淮使兼叅知政事李公 於

惟群公文章操履美玉精金節槩勲猷泰山喬嶽

或媲美聯輝于

宋室隆盛之時或獨立孤苦于國事既去之後人

臣師表鄉邑著龜其等忝官

梓里忻慕休風 春雨既濡 秋露初灑 謹伸常祭尚

饗

計開

猪壹隻 羊壹隻 兎壹隻 籩豆伍卓

名宦祠祭文 春秋二祭

王朝璣

年月日同前官街同前等敢昭告于

宋應山縣知縣事隴西李公

元應山縣縣尹燕山魏公

文林郎應山縣知縣定海孫公

文林郎應山縣知縣桐城李公

文林郎應山縣知縣進賢王公

國子助教前應山縣儒學教諭豐城游公 於惟群公

四方英傑歷代循良宰是邦而追蹤卓魯教斯邑

而繼美蘇湖金石流芳獻黎仰德惟茲仲春謹以

牲牲醴齊用伸常祭尚

饗

計開陳設

猪壹隻 羊壹隻 兔壹隻 邊簋陸卓

張公祠祭文

春秋 貳祭

王朝璽

年月日同前官街同前等敢昭告于

唐御史中丞贈揚州大都督張公 惟

公中州豪傑

唐室元勳抗拒羯胡屏藩南服是宜血食此邦報

德報功無窮已也惟茲仲春秋謹以牲牲酒菓用伸

常祭尚

饗

計開陳設

猪壹隻 羊壹隻 兔壹隻 簋壹貳卓

金井祭文春秋貳祭

王朝璣

年月日同前官街同前

謹以剛鬣柔毛酒菓之儀致祭于

國母徐大妃墓下 惟

靈夙鍾懿德作配

賢藩宮壺令儀關雎載歌某等尹茲劇邑密爾封塋

節屆清明中元謹伸常祭尚

應山縣志卷下 三十八 一百八十字

饗

計開品物

猪壹隻 羊壹隻 菓肆盤 酒貳瓶 香

燭紙馬 祭文壹軸

吳忠節公祭文清明祭 王朝璣

年月日同前官街同前

謹以剛鬣柔毛酒菓之儀致祭于

湖廣行省叅知政事贈資政大夫刑部尚書忠節吳公

之墓 惟

公翊運從

龍仗節死義功存

社稷形容應山某等忝官茲土備奉

欽依節屆清明恭伸祭掃尚

饗

計開品物

猪壹隻 羊壹隻 菓肆盤 酒貳瓶 香

燭紙馬 祭文軸壹軸

馬都司祠祭文

王朝璣

某年三月 朔越七日官街同前

敢昭告于

河南都指揮使司都指揮僉事馬公 惟

應山縣志卷下

三十九

宿字

公分閩汴梁承家忠義冠至而即過其鋒冠奔而
必窮所止遇害雖傷於易敵死綏無愧於古人嗚
呼休哉某等忝官茲土慨慕英風諱日復臨謹伸

常祭尚

饗

計開祭品

猪壹隻 羊壹隻 菓肆盤 酒壹瓶 香

燭紙馬

關公祠祭文

王朝璣

年月日同前官街同前等敢昭告于

漢壽亭侯關公 惟

公忠扶

蜀漢績著荆襄

王業偏安古今扼腕其等恭官

舊治追慕

餘休恭遇

誕辰謹伸常祭尚

饗

計開陳設

猪壹隻 羊壹隻 菓肆盤 酒壹瓶 香

應山縣志卷下 四十 一百九十二字

燭紙馬

附錄

申請名宦祠文

湖廣德安府隨州應山縣為重修湖廣通志事嘉靖十

八年五月十九日抄奉

巡撫湖廣都御史顧 批據本縣申前事奉批查得前

議隨州已有批行德安府再議依擬建立二祠以崇風

化議由繳奉此隨奉

巡撫湖廣監察御史朱 批據申鄉賢名宦祀典禮不

可廢祭儀春秋各貳壇如銀數尚欠該縣議處申奪諸

賢稱號祝文祠額既有秉史筆者敦請題撰以昭令典
看守人役依擬繳併奉

湖廣布按二司并本府批仰候

撫按衙門批示施行繳又奉

分巡道僉事孫 批據申毀庵以祠李紹祖而下五人
且躋李廷芝於四賢之列胥可以見本官崇正黜邪之
意應山雖小邑亦可以風矣仰候

撫按明文至日施行此繳續奉

巡撫湖廣都御史陸 批據本府申據隨州應山縣申
議過建立二祠緣由前事奉批立祠修祀既經覆議停

應山縣志卷下 四十一 三百五

當如擬舉行繳奉此案照先准本縣知縣王朝珣關稱
本年五月初四日奉

本府帖文抄蒙

湖廣等處提刑按察司分巡武昌道僉事周 案驗准
總司關奉

欽差巡撫湖廣等處地方兼贊理軍務都察院右副都御
史顧 案驗前事仰縣官吏照依案帖內事理即便轉
行掌印官選委文學官一員不必拘定教官將所轄一
應有關志書事件照依總裁官開去款目攢造該州縣
志一本各另徑自差人齎赴本道聽其去取筆削以成

一省令典各官務竭力心毋辭勞苦博采精修使詳畧得宜巨細罔漏信今傳後允協人心斯為盛舉文書到日各具依准呈報

本院并本道及本府查考毋得違悞未便奉此查得本縣舊志年久未修事件逸訛甚多若不先行攢造草底誠恐歛目至日倉卒難辦後時失事責有攸歸本縣致仕鄉官知州顏木學識淵宏志行高古卑職親詣其家敦請查造間為照本縣原有四賢堂以祀鄉賢宋庠宋祁連庶連庠兩家四美二難文行功業彰時信後鄉先之歿配社之祭理實攸宜載考本府州志載宋戶部湯

應山縣志卷下

四十二

留令守

起巖四賢堂祠稱慶元間應山知縣事李紹祖端而有文在官嚴於自律不事表暴不事求取衍衍然儒君子也又考元應山尹魏從恕去思碑載其開心奉公興學重祀閔念嫠嫗捐俸備力助贖其氏平其訟理積穀四千石桑麻盈野去任既久民爭迎覩又考一統志載本縣知縣孫士良永樂初年任官未及三考流民自占三千餘口墾田五十餘畝政事簡惠賦後以均民到于今稱之又考府州志知縣李春杜絕苞苴親賢遠奸惓惓以子惠為心延引耆宿貶損禮容問民疾苦招徠警教通商惠窮興學明祀政事之善不一而足知縣王建處

心平正接物以實學行俱優政教兼舉身卒于官還葬之日民無大小皆攀柩號哭而送之教諭游邦真歷任九載教人以躬書析疑義夜課業遷官國子去後有思信如諸志此六人者皆嘗有功茲土似應祠舉又考宋史李廷芝傳其先汴人後徙隨之應山縣理宗端平甲午金亡襄漢被兵庭芝隨父徙于隨時年十八告諸父曰隨守王昞貪而不恤下下多怨之隨必亂請徙家德安以避諸父勉強從之未幾部曲挾昞以叛隨民死者甚衆嘉熙末江防甚急廷芝得鄉舉不行淳佑初舉進士中第辟荆帥孟珙幕主管機宜文字珙卒棄官歸賈

似道鎮京湖起廷芝為制置司參議移鎮兩淮多所建立戰伐功德佑初似道兵潰蕪湖沿江諸郡弗守獨廷芝率所部死鬪朝廷加參知政事宋亡兩宮北狩屢詔廷芝降不答元亦有詔赦其焚詔之罪又以少保左丞相招之俱不納卒之食盡力屈將兵入海至泰州為元木所執死之將士妻子為俘夫建功于多難之秋死忠于國亡之後主尔忘身國尔忘家宋末諸臣忠義固多然舍文山疊山外馭為節槩挺接堅剛如廷芝者蓋不多見非但應山四賢際宋昇平雍容宦業文章操履為不佞也而其始生之地由元迄今垂三百年訖無一人

躋之祀典是何以彰前烈而風後進乎卑職因采志事
追慕前修竊欲將本縣儒學啓聖公祠前空地一所長
五丈濶三丈以為名宦祠基奉例拆毀縣北七里冲曹
氏私荆庵場三間以為祠宋以祀宇知縣事李紹祖元
縣尹魏從恕

本朝知縣孫士良李春王建教諭游邦貞六人又欲躋李
廷芝於四賢祠添置牌位一座與四賢並列其守祠門
子名宦祠就令守啓聖公祠門子兼管四賢祠就令附
近風雨壇門子兼管兩祠春秋二祭所出近蒙賦役規
制行縣准令迺年均徑內共編祭銀七兩足穀支用無

應山縣志卷下

四十四

三百九十字

容再議但諸賢稱號祭儀祝文祠額等項未奉

上司鈞裁卑職未敢擅便煩為轉達施行等因准此查
得名宦鄉賢二祠天下郡邑州軍在在有之應山雖小
二者亦不乏人成化十五年本省提學薛副使案驗行
令本府拆毀文昌祠宇改祀鄉先生及先代名宦本府
王知府當將文昌祠改祀本府先代名宦而以舊祠碑
亭改祀鄉賢又弘治十二年本州李知州創立名宦鄉
賢二祠亦經具申合干

上司乞示舉行俱載府州志書可查唯本縣雖有四賢
堂以祀先賢原無名宦以祀先宦深為闕典今准前因

擬合就行為此縣司除申

撫按衙門照詳去後今奉前因擬合就行為此

申請易置巡檢司文

湖廣德安府隨州應山縣為改移巡司易置團長以護
守城池分把關隘事准本縣知縣王朝璣關據本縣里
老張子輝董文高學潘漢等連名呈前事切照本縣地
方接壤河南隔遠府治山多路小土瘠民貧南北商賈
經由盜賊不時出沒近年本縣創之城池形勢頗壯素
無官軍守護又城內地勢卑下城外四山俱高設或巨
寇卒臨據高窺下城中內外不通勢孤援寡雖有城池

應山縣志卷下

四十五

三百九十五

亦難安枕縣治北八十里地名行者關關之西三十里
有黃土關東四十里有武勝關草市冲土門冲九女岩
等處皆接境信陽羅山為兩省客商往來盜賊出沒所
在而行者關獨居縣治正北山大徑捷客商往來尤多
盜賊出沒尤衆近時本省雲貴四川士夫北上常取道
過此獨無一官盤詰其中以故遠年近時多被北賊入
境抄掠居民謀劫縣庫為害匪輕本縣各圖原蒙設有
團長保長總甲等役但一圖各管一圖不相聯屬西南
七十里平里市鎮原有巡司官兵一處然彼處地方寧
謐客商稀由無官盤詰亦可若蒙准呈轉達以近縣地

方火夫遇警護守城池邊界地方火夫遇警分把隘口
移平里市鎮巡檢司衙門官兵改立行者關常川盤詰
防禦庶縣治無虞邊界安堵地方萬幸等因到臚據此
查得本縣地方雖小然北連河南信陽州桐柏羅山等
縣三關九砦素有名稱正全楚襟喉之處自古用兵之
地流賊不時侵掠舊無城池防禦正德六年流賊入境
去任劉知縣屈膝郊迎次年流賊又住劄本縣三日殺
掠焚劫慘不可言嘉靖十年冬該本縣陞任知縣王尚
用節申合干

上司議修城池欲連城外四山包築為城旋以地廣費

應山縣志卷下

四十六

三百九十五

多申議减小次年秋大二方興隋蒙

欽取去訖本年冬卑職到任接管查照前官申允定規創
立城垣一座十二三年又經申請修理城樓四座見今
城池高深闌閘嚴固緩急似亦可恃但守城民快額止
百人城外四山環繞塔兒岡楊通岡應臺山東岳觀尤
高平近縣苟登其上一望城中虛實無不周知縣治東
北與羅山信陽桐柏接壤去處多係叢山峻嶺武勝關
黃土關土門冲草市冲九女岩等處隘口僅通誠盜賊
出沒之處行者關尤為要害本縣各圖舊額設有保長
總甲小甲火夫近年又設團長總之以禦盜賊其法亦

善但一圖自守一圖不因關隘以相統攝有警不相策
相平里市鎮巡檢司衙門官兵開設有年然卑職到任
八年于茲未聞該司小警獲一盜賊解縣嘉靖九年北
方流賊袁林等四十八人遠來本縣白晝劫殺居民程
福祖家人財及節年捕獲強盜朱潮坤等十起十六七
年流賊毛鳳紀姚和尚等入境劫畧居民攔搶客貨皆
由行者關出入今年二月初本縣批差甲首李志旺張
思禮押解賊犯劉珊喻倉劉氏回赴信陽州交割被賊
集衆中途殺死二甲首奪賊以去亦離此關不遠苟素
有官譏察其處諸惡焉敢肆無忌憚如是邇者北賊黃

應山縣志卷下

四十七

四百一

伯美等結黨造謀欲來本縣攻城劫庫幸得其謀方成
其機先露卑職督同巡捕典史傅僉擒獲首從雖多猶
慮餘黨復集日逐督率民快分守四城盡編城內壯丁
每一梁子以一壯丁守之火箭鎗刀叉耙等具懸鏡礮
石礮木灰筒等物皆已完備獨念城外應臺等山高大
密邇脫有狂夫領衆先據彼集四方亡命有居屋建甍
之勢我驅市民與戰無拔幟先登之夫成敗安危居然
可知惟於近城池方僉四團長責令遇縣有警一呼四
集屯住四山如是則巨寇雖至城外無駐足之地城中
不費一矢而寇自遜然古人守江必先守淮今欲安內

宜先攘外各圖保總小甲之設不必更革惟於各關各
冲選一忠厚有識強勁之人以為團長一遇有警附近
關冲保總小甲人等悉聽團長調度行者關團長之設
亦同各處此關獨為衝要然亦不必添設衙門勞費惟
將平里市巡司基地變價衙宇折卸與見在官吏弓兵
俱徙置于此使之常川盤詰及往來巡邏各關各冲一
遇有警率領弓兵團保總小甲防禦如是則外寇雖來
不能入境四山不必屯聚而城自安先事預防內外有
備各役所呈似為可行合行關縣轉達等因到縣准此
看得護守城池分把關隘誠本縣今日急務緣係改移
巡司衙門事理本縣未敢擅專擬合通行申稟為此縣
司今將關到前項緣由理合具申伏乞
照詳明示以憑遵奉施行須至申者

後序

令尹王子初為縣志屬木起草妄謂近世志體之陋因
放周官準以時制分曹繫事立綱建目文祛吏俗而
篇多刪潤王子謂其弗便於時乃自叅酌彙括而為是
編蓋事主於畢載以立考案行主於核實不為輕信詞
主於淺近使人易曉彙成適當其考績之行典幕傳君
將銀之木既干一山子為之引首謂予嘗與于斯亦不
可以無言竊惟王子久於為邑其精明嚴毅牧愛保障
禮士修祀均力平市發奸補敝譏誥禁捕砥石疏之簡
帙詳之即夫志而其政可知焉即夫為志而其心可知
焉予何言哉嘉靖十九年歲在玄枵孟秋之望淮漢顏
木書

應山縣志卷終

後序一

二百二十三字

